

BOITSEBISO

 Le ka lula fatše. Ke u leboha haholo, moena, Moena Shores. Ke e . . . Ruri ke nka ona e le monyetla o moholo ho ba mona bosiusing bona, ka hara . . . First Assembly of God ena, hape, ho qoqa re teetse Lentsoe la Molimo hare, le lōna batho ba khabane, ho ba le Moena oa rona ea ratehang Shores hape, le—le baena bohole bao re kopaneng le bona veke kaofela. 'Me re hlile ra ba le nako e monate, liveke tse peli tsena tse fetileng.

² Ha ke tsebe joaloka mehleng, lilemong, ha ke eso fihlele nako e molengoana ho feta vekeng ena, ea botsoalle le baena tikolohong ea Maricopa Valley ena, ho tloha koana Mesa, ho theoha, le ho theohela Tucson, e leng Jerusalema, ehlile, holim'a leralla. 'Me re thabets'e ho eta le baena ba rōna mona Jeriko, u ea bona, tlase mona ka har'a . . . tlase maotong a leralla. Ke ne ke ipotsa hore na seo se tla lula joang.

³ 'Me joale mohla ha ke neng ke le mona, lilemong tse ngata tse fetileng, seo esale e le sera pakeng tsa Tucson le Phoenix. Ka hona, ke ne ke nahanne hoo tsatsi le leng, le a tseba. Ba ne ba nqhokola ka ho emela Tucson. 'Me ka hona ka nahana, be, e holim'a leralla, 'me Jeriko e phuleng, le a tseba. Kahoo ke ne ke nahana hore e tla ba ntho e ntle feela. Be, re tšoara Mongh. Mokena-lipakeng lekhatheng leo, e mong ea theohang. Re batla ho mo sebetsa.

⁴ Joale, ebile nako e monate, ke sa pheta, 'me re hlile ra natefeloa haholo.

⁵ Joale, re grea- . . . re emetse kopno ena e tlang ka tjantjello e kholo ho qala hosane bosiu. Re lebeletse nako e khōlō. 'Me lebakeng lena ke lekile ho ala, ka mokhoa oa ka oa boikokobetso ho e etsa, motheo, ho leka ho fehla phuluho har'a batho, bakeng sa tsoseletso e tlang. 'Me joale re fumana ho nyoloha libui tse ling tse babatsehang, tsoseletsong ena e haufi joale. Moena Velmer Gardner, le—le moena e mong oa Methodise e tlameha e be e le sebui se tsoileng ka mahetla, 'me hape, 'me ho e phethela eohle ka seriti, ke Moena Oral Roberts oa rona ea khabane, bosiu ba Mantaha o tlang. 'Me ke tšepa Molimo o tla nea baena melaetsa e joalo e tla romela Phoenix mangoleng a eona, ka thothomelo, ka tšabo ea Molimo.

⁶ 'Me re lekile ka thata, vekeng ena, ho—ho haha motheo oa hoo, oa ho hlahha ha Mora Molimo ho potlakileng. 'Me kea lumela, 'me esale ke ruta, hore ho ka etsahala hore A tle molokong 'ona joale, esita le bosiusing bona. Ha re tsebe hore na e tla ba neng, empa re batla ho itokisetsa hoo, mohla e fihlang, re tla tsamaea le Eèna Hloibilong.

⁷ Ebile nako e khōlō. Esale ke rera Melaetsa e matla ena ka ho Khutla ha Hae, le ho leka ho rala e—e likhonahalo, le hora eo re phelang ho eona joale, le kamoo ntho e 'ngoe le e 'ngoe, ho latela mohopolo oa ka, mohopolo oa ka o ikokobelitseng, e maemong feela a loletseng ho Khutla ha Morena feela, Hloibilo, ntho e latelang. 'Me khaello eohle, e ka hlaha nakong ea hora.

⁸ Kea lumela, ke tse ngata, ha ke tsebe hore na ke tse kae feela, empa liporofeto tse 'maloa tse tsoileng ka mahetla tse buang ka phethahatso ea ho tla ha Messia le seo A neng a tla se etsa, li phethiloe lihoreng tsa ho qetela tse supileng sefapanong. "Kamoo ba hlabileng lehlakore la Ka, le la Ka... ha ho lesapo le robiloeng." 'Me—'me A hooeletsa, "Molimo oa Ka, U Ntloheletse'ng na?" 'Me liporofeto tse khōlō, tsa etsahala feela, 'ngoe, peli, tharō, 'ne, ka mokhoa oo, horeng kapa tse peli, ka ho siana.

⁹ Joale, hoo ho ka hlaha ka ho tšoana ho khutleng ha Hae. 'Me re tšoanelo ho falimeha, re lebeletse.

¹⁰ Mantsiboeeng a fetileng ke ne ke nahana hore re bile le nako e monate tlase e—e Assembly of God ka boroa ho mona. Kea kholoa ke Boroa, mohlomong, e bitsoa, Southside Assembly. Ke kopane le moena ea khabane eo ke eso kopane le eena pele leetong, kamoo ke hopolang, empa moena ea khabane le sehlopha se khabane sa batho.

¹¹ 'Me re buile ka eona, mono maobane bosiu, Molaetsa oa... oa ho Mo fumana e le qanthane, tulo, ho Mo hopola, sohle seo A se entseng, ha re kopana, ho lula libakeng tsa Leholimo ka ho Kreste. Le ho hopola lintho tseo A li entseng, le lintho tseo A tšepisitseng ho li etsa, kamoo A tšepisitseng A tla kopana le rōna. "Moo ba babeli kapa ba bararo ba neng ba phuthehile ka Lebitso la Hae, hore O tla ba har'a rōna." Ka hona, ka hopola borena ba Molimo bo bonahalitsoe ka mokhoa o hlollang ha A ne a theohela hantle har'a rona, le ho Ipaka, hore O ne a e na le rona hape. Seo se e kholisa feela ka botlalo, hore re haufi le pheletso. Le lintho tseo A tšepisitseng ho li etsa, hantle qetellong, 'me re e bona e re tobile joale.

¹² Ke lekanya hore, mohlomong, batho ba bangata mona ba—ba bolokehile. 'Me re bao ba rapelang le ho ikitlaetsa joale bakeng sa kopano e tlang. 'Me re tšoanelo ho hatella ka sohle se leng ka ho rōna, le ho etsa sohle seo re ka se khonang. Ho etsa bonnete ba hore re bua le moetsalibe e mong le e mong nakong ea seboka sena. Ho atamela rakhoebo e mong le e mong, le motho e mong le e mong ea sa bolokehang, le bao ba se nang Kreste, ba se na Moea o Halalelang. Re batla ho ba atamela ka Molaetsa, ka katamelo ea Evangelie hlapphohetsoeng, e tiileng ho batho.

¹³ Maphelo a rōna e be letsoai hona, hoo ba bang ba ka shebang boitšoaro ba rōna 'me ba phela, hoo ba ka batlang ho phela ka tsela eo, le bona. Le a tseba Jesu o itse, "Le letsoai la lefatše."

Empa ekare ha letsoai le lahlehetsoe ke bopaki ba lona, e—e tatso ea lona, matla a lona a hulang, le ke ke la folisa kapa la pholosa. Letsoai le a pholosa ha le hokahana, 'me re tšoanel—a re tšoanel—a ho hokana le Molimo. Rona re ntlha ea Hae ea khokahano, joaloka ha Moena Roberts khafetsa a bua ka ho beha letsoho la hae seyale moyeng kapa ntho e 'ngoe e le ntlha ea khokahano.

¹⁴ Joale, le ka nkutloa ke bua ka mokhoa o hlollang bosius bona, empa masiu a mararo kapa a mane a fetileng ke ile ka tlameha ho ipiletsa lentsoeng la ka le kaholimo. Ke—ke... Le leng le khathetse. Ka hona, ke bua holimo koana, haholo ho tsoa bokaholimong ba molomo oa ka. Ha se ntho ea maiketsetso, empa ke tlameha ho e etsa, ho thibela ho thonkha karolo e tlase. Le a tseba, Molimo o batla o re etsa ka mokhoa, moo, haeba karolo e 'ngoe e khathala, re ka ipiletsa ho e 'ngoe. Motho—motho... Ua tseba, bobolokelo.

¹⁵ 'Me motho e mong a mpotsa, e mong, ka nako e 'ngoe, a re, "U khona joang ho tsamaea ka thata hakaale har'a lithaba le joalo—joalo?"

¹⁶ Ka re, "Be, ke ithutile eona, maqhekanyana, lilemong tse fetileng, ho tsoa ho Maindia." Le a bona? U ka tsamaea ka mangole a hau, ha u sebetse hakaalo, noka ea hau, le ho phomotsa linoka tsa hau. Ebe u tsamaea ka letheka la hau, le ho hlabeletsa, le ho phomotsa mangole a hau, u a bona. Kahoo ho phomola feela le ho tsamaea, ho phomola le ho tsamaea, ho phomola le ho tsamaea.

¹⁷ Ke tsela eo u rerang ka eona, ka bokaholimo ebe ka bokatlase, ka bokaholimo le ka boktlase. Ho phomotsa le leng, le leng.

¹⁸ Oh, Molimo o entse ntho e babatsehang ha O ne u etsa motho! Le a tseba hobaneng? E ne e le ka setšoantšo sa Oona O entseng motho. 'Me ho ka babatsehang ho fetisa Molimo ke hofe?

¹⁹ Esale ke rera haholo ka—ka ho Khutla ha Kreste mongoaheng ona, ka hopola e ka ba ntho e molemo bosius bona ho batalatsa tse ling tsa lintho tsena tseo esale ke bua ka tsona, le ho tlisa e—e botebo ba maemo a letsatsi lena, ka pel'a sefahleho sa rōna, ka Evangel, le ho bona kamoo re leng kateng, ka borona, re betletsoe hora ena. Re tseba joang? Sena ekaba seboka sa ho qetela seo Borakhoebo bana ba tla ba le sona le ka mohla. Le a tseba, bona e ka ba bosiu ba ho qetela boo First Assembly of God le likereke tse ling tsohle naha bophara li tla buloa. Hosane, e ka etsahala, tsohle li koetsoe. Ha re tsebe. Lena ekaba khetlo la ho qetela Bibebe e balloang letšoelé lena. Ka hona, ha re hlahllobeng bosius bona re bone moo re leng teng, ka mahlonoko, nakoana.

²⁰ 'Me re tla tsamaea, re leke ho qeta ka nako, re tle re lumelle batho ho tsoa re sa le tšoarelle. Ke entse tlhahiso e khohlahetseng vekeng ena, ke—ke le tšoarella halelele nakong ea bosiu, haeba ke

tseba e le ho fosa mosebetsi oa letsatsi feela, e ke ke ea le utloisa bohloko. Empa ka re, “Moqebelo bosiu joale, ha ke khone ho le tšoarella halelele, hobane le ke ke la fosa sekolo sa Sontaha. U tšoanelo ho ema temeng ea hau ea mosebetsi.” Ka hona, joale, nke ke ka le tšoarella halelele bosius bona, hoba ruri ke le batla mono hosane bosiu. Esale re khannela morero oo, bakeng sa nako e khôlô ena.

²¹ ’Me joale ho rapella baena bao bohole ba tlang ho bua. Ho rapella Molimo ho tlotsa manqosa a Hae. ’Me bosiusung boo ba maobane, le Moena Oral; o khethetsoe morero oo oa ho e phethela eohle. Ke hopola khetlo leo la ho qetela, joaloka letsatsing la ho qetela la mokete mohla Jesu a neng a eme a hooeletsa tempeleng. Oh, re ke re e utloe hape. Molimo a ke a re hlabele mokhosí, le ho re biletsha lephakong la Hae, ho bokella Kereke, balopolloa ba Hae, Monyaluoaa Hae eo A mo rekileng ka mohau ka Mali a Hae ka Sebele. ’Me re rapella pheletso eo.

²² Joale re tla sheba ho Morena joale thapeleng pele re atamela Lentsoe la Hae. Hobane, u a tseba, Lentsoe ha le a tla ka boitlhahosetso ba motho, ka hona ke rata feela ha Mongoli a Le senola; le ho itlosa ho Eona, le a tseba, re tle re khone—re tle re lumele hoba O a e etsa. Ka hona ha re inamiseng lihlooho tsa rôna feela joale. ’Me—’me ha re inamisa lihlooho tsa rôna, ha re inamiseng lipelô tsa rôna hape, ho inamisa feela lipelô tsa rôna ho Molimo.

²³ Joale ka lihlooho tsa rona le lipelo tse inamisitsoeng, na kopo e teng pelong tsa lona bosiusung bona, moahi—’moho oa ’Muso, moena oa ka oa moeti? Lona ba jakileng mona Phoenix le libakeng tse ling, re bokane ka hara kerekene ena e nyenyane e ratehang bosiusung bona ho Mo rapela, na kopo e teng eo u ratang Molimo ho e tseba? E hopole kelellong ea hau, ’me u phahamise letsoho la hau feela, ’me u re, “Morena, e ke e be ’na joale bosiusung bona. Ke—ke na le—tlhokeho e tsielehileng.” A ke a . . . Kea tseba O tla e bona. O tla e utloa. O tla e araba.

²⁴ Ntata rôna oa Leholumô, re U atamela ka tumelo joale. Re ikopanya ’moho, ho kopanya lithapelo tsa rona joaloka motho a le mong. Re tloha mona ka tumelo, ho la 11 le Garfield, ’me re hloa ka tumelo, ka nqane ho khoeli le linaleli, ho nyoloha ka Molala o Mosoeu, ho ea joalo le ka nqane ho litema tsa lefatše lena, ho ea ka pel’ a Sefahleho sa Molimo. Le mono holim’ a Aletare moo Sehlabelo se robetseng, ’me Likerubime le Lirafime li fofa holim’ a Aletare ea Molimo, li ntse li hoeletsa, “Oa halalela!” Oh, sebaka se se kakang ho ema ho sona! Empa ka Lentsoe lena le ngoliloeng, ka Mora oa Molimo, ho re, “Ha re kopa Ntate eng le eng ka Lebitso la Hae, O tla re abela eona.” ’Me ke Eo o lutse ka liaparo tsa Hae tse Mali. Moputso o lefiloe, hore rona, ba se nang tokelo, re ka Mo atamela, joaloka bara le barali, ka mora ho amohela Kreste joaloka Mopholosi oa rôna.

²⁵ 'Me rea rapela, Ntate ea Leholimōng, bosiung bona, pele, ho tšoarela bokhopo ba rōna, le sohle seo re se entseng le ho se bolela, se neng se sa loka feela mahlong a Hau. 'Me, Molimo, re tseba lintho tse hlokang palo tseo re li entseng. Re hauhele, Molimo, hoba ha re bue lintho tsena ho utluoa, empa re—re bua lintho tsena ka—ka lerato, le ka hlompho, le ka tumelo hore Molimo o tla re utloa le ho arabela lithapelo tsa rōna bakeng sa ba bang le rōna. U tseba se neng se le ka mor'a letsoho ka leng, sepheo le morero.

²⁶ Morena, otlolla mapheo a Hau a maholo a halalelang, kamoo ho etsahetseng, bosiung bona. 'Me Boteng ba Hau bo hlollang bo ke bo utluoe har'a rona, bosiung bona, re tle re ts'abe. Molimo, re batla ho tseba malulo a rōna feela joale. Re ntse re hlahluba, ho itekola mapheo a rōna. E ka ba pejana feela ho Hloibilo, ho biletsoa ho falla.

²⁷ 'Me re lebeletse kopano ena e tla latela koana Ramada hosane bosiu, 'me re batla ho hlahluba mapheo a rōna bosiung bona le ho bona moo re haelloang, re tle re fetoh libetsa letsohong la Hau, letsopa ho bopeloa le ho betloa ke Molimo oa Leholimo, re tle re khone ho lebella ketsahalo e kholo ena e etsahalang, hore ha re e hlahisetse morero osele haese ka lebaka la 'Muso le tlotsiso ea Molimo. Hlohonolofatsa maiteko a rona a fokolang a a veke, Morena, ho leka ho fuluha, har'a batho, temoho ea hora eo re phelang ho eona.

²⁸ Bua le rona bosiung bona, ka palo ea Lentsoe, 'me U nke mohlolithero le—le ho senola thero ka mokhoa oo Moea o Halalelang o batlang hoba re o tsebe. 'Me thoriso eohle e tla ba ea Hau. Re kopa ka Lebitso la Jesu. Amen.

²⁹ Joalo ka ha batho ba bangata ba rata ho boloka litemana, le ho nahana mohla ba ka ratang ho khutlela ho tsona. 'Me hangata, bareri, joaloka 'na, ka bonna, ka linako tse ling re—re ngola palo, ho lebisa ho eona. Moreri e mong o buile ka eona, 'me re... Mohopolonyana o ile oa tšoara kelello ea rōna. 'Me re rata ho lebisa morao ho eona, ka linako tse ling, ho re, "Be, hoo... Ke bone ntho ha ba ntse ba e bua." Hoo ho itoketse.

³⁰ Joale, re batla ho bala bosiung bona, ka Bibeleng, ho tsoa bukeng ea lengolo la Bafilipi, Pauluse o ngolla Bafilipi, khaolong ea 2, 5 ho isa ho 8. Re rata ho bala sena e le sehlooho, le sa bala le rona, kapa ho re nehela maikutlo a lona a sa arohanang re sa ikemisetsa ho Le bala.

³¹ Joale, e re le sa phetla Lengolong, ke rata hore ke neiloe, 'na moena oa lōna, monyetla oa ho bua thapama ena ea Sontaha se tlang sebokeng. E ne e le maikemisetso a ka ho hlola mono veke eohle, le ho lula kae—kae har'a letšoelle, kapa kae—kae, ho mamela le ho ikerisa moea ka Lentsoe la Molimo, kamoo baena ba rōna ba tlang ho e tlisa, le mapaki a borakhoebo. Le ho tšepa ho le bona bohole mono. Kopano e thapama, likereke li tle li koaloe, ka

mahohle, le—le amoheloa ho feta ho tla. Re u lebeletse, ho eo le kopanong e 'ngoe le e 'ngoe.

³² Joale ho Bafilipi 2:5, re a bala.

Mohopolo ona u be ka ho lona, o nong o le ka ho Kreste Jesu:

Eo, leha a ne a ema ka sebopeho sa Molimo, a sa kang a lekanya hobane o a utsoa ha a iketsa ea lekanang le Molimo:

Athe o iphèlisitse, ka ho nka sebopeho sa mohlanka, ka ho iketsa ea tšoanang le motho:

'Me ka ho fumanoa e le motho, a ikokobetsa, a ba le kutlo ho isa lefung, esita le lefu la sefapano.

³³ Morena a ekeletse mahlohonolo a Hae palong ea Lentsoe la Hae. Ke rata ho nka, metsotso e 'maloa ea nako ea lona, holim'a seo nka se bitsang, kapa seo nka se buang, sehlooho se bitsoang: *Boitsebiso*. Ho tsebahatsa, ho bonahatsoa ka setšoano sa baphetoa ba Bibele! Ho bonahatsoa ka setšoano sa baphetoa ba Bibele! 'Me bosiung bona, ke sa nahanne, ha ke atamela sena, hoba re qete veke ena re bua ka ho Tla ha Hae, le kamoo Kereke e loketseng ho Itokisa.

³⁴ Kajeno eare ke sa lutse ka phaposing, ke ne ke hopotse taba bosiung bona, "Sehlabelo se phahameng." Empa, ha bonahala, Moea o Halalelang oa bonahala o batla ho tlosa moo, ho kena kanaleng e 'ngoe ea monahano. Bareri bohole ba tseba seo e leng sona, le—le nahana le tšoere seo le batlang ho se bua, 'me ebile, hang feela, u utloa u tlameha ho bua taba eseles, e ka bang khahlano. Mohlomong e etselitsoe motho a le mong. Ha ke tsebe. Empa, ke holile ho lekaneng ka ho Kreste, ho tseba ho lateala boetapele ba Moea. Seo Moea o reng se etsoe, se etse.

³⁵ Ke khlooa bosiung bona re tlameha ho iphumana nqa e 'ngoe semelong se itseng sa Bibele, re tle re tsebe qetello ea semelo seo le ho tseba phello ea rona.

³⁶ Hoo ho nkhopotsa pale eo nkileng ka e utloa, ea e—e mofumahali, ea neng a tlisitse moshanyana oa hae ho tsoa—ho tsoa naheng kae-kae, moo ba neng ba lula teng, motseng, ho—ho etela nkhona'e. 'Me moshanyana e monyenyan, ea phelang motše...

³⁷ Karolong ea heso ea naha, Kentucky, *naha* eo e bolela motlotloana oa lithupa kae-kae, o entsoeng ka liboto tsa khale tsa lishengele. 'Me ka hona seipone sa rona, lapeng, e ne e le sekotoana sa seipone se khokhothetsoeng sefateng, moo, ka ntle, moo ho nang le benche e nyenyane e hlapelang sefateng, pel'a pompo e fepelang, moo ntate a neng a pompa metsi 'me a hlatsoa matsoho a hae, le sekoto sa seipone mono. 'Me ke bone Mama a ema kantle mono a kama moriri oa hae, hoba ho se seipone ka tlung.

³⁸ Thaka lena le tlamehile le be le holetse lelapeng le tjena. 'Me ha a theoha ho etela nkhono oa hae, a e-na le e—e lemati leo, ka morao ho lona, e e le seipone. 'Me moshanyana eo o ne a batla a jeoa ke bolutu. 'Me o ne a ntse a qamaka ka tlung. 'Me kamora nakoana, a tsoatsoa a sheba monyako. 'Me esale o koetsoe, ho tloha ba kene. 'Me—'me seipooneng lephakong la hae, a bona moshanyana e monyenyan. 'Me a qala a ea ho moshanyana, ho etsa setsoalle le eena. 'Me eitse ha a qala a sheba ka hara galase ena, a atamela. 'Me a retoloha, a re, "Hobaneng, 'mè, ke 'na eo."

³⁹ 'Me ke sona seo re batlang ho se sheba bosiusing bona. Ke batla ho icheba, 'me ke batla hore u ichebe. 'Me ha re sheba Seiponeng se seholo sa Molimo sa Lentsoe la Oona, ha rona . . . re tsebe ho ikamanya le ba bang bao re tla bua ka bona, baphetoa ba bang ba linako tse ling. 'Me ke batla ho ipona kahara—kahara galase ea Molimo e shebang. Hoba, haeba ntho e ka u bontša moo u emeng teng, ke Buka *ena*. Ha ho buka e tšoanang le Eona, hoba Ke 'Nete eohle. Ha ke re libuka tse ling hase 'nete, empa 'na—kea tseba hore Ena ke 'nete. Ke 'Nete eohle, hobane Ke Lentsoe la Molimo.

⁴⁰ Joale, Jesu o re beetse Mohlala oa seo re tlamehang re be re se shebile, mohla A neng a halimisa Bophelo ba Hae ho rōna ka Lentsoe, seo re tlamehang ho se bona. Ha re sheba seiponeng sa Molimo, re tlameha ho ipona re entsoe setlama le Eena. Oo ke Mohlala o phethehileng.

⁴¹ Joale, empa re fumana hore, ha re tsamaea bophelong, hore semelo sa rona se bopella setšoants̄o seo re leng sona. E mong le e mong o tseba seo. Uena, ha u phela, semelo sa hau se joalo, se u bopella seo u leng sona. Joale, u bone batho bao u ratang ho ba haufi le bona, koana ekaba ha baba ka nna ba—ba ka har'a lesakana la hau la sechaba. 'Me, hape, e ka ba ba morabe o fapaneng, mammala, kapa basootho, kapa ba basehla. Empa ntho e teng ka semelo seo, u mpa u rata ho ba ka pel'a sefahleho sa bona. Hobane motho e mong le e mong ke e—e sefutho se se nyenyan ka bo-eena, 'me u—u hlahisa atemosefere.

⁴² 'Me u ntoo bona batho bao e neng e le batho ba khabane, empa koana u ne u thabela kamehla ho suthela hole le bona. Ke hore feela ba—ba bopa atemosefere e kana moo u leng teng. Ha ho letho khahlano le bona, ke batho ba lokileng, empa ha u rate atemosefere eo feela, eo ba, baleng . . . ka ho eona. 'Me semelo sa bona se bopa seo ba leng sona, se ba etsa seo ba leng sona.

⁴³ Eitse ha Molimo a sheba popo a Hae e lahlehileng, ka hoba A e etse le ho e bopa ka mokhoa oo A e batlileng ka teng . . . 'Me ke—ke rata ho e sheba qalong ea eona. Ke—ke rata libaka tse kantle, hobane, mono, O tšoanetse a be a se batla ka tsela eo, ho seng joalo A ka be a sa se etsa joalo. 'Me re a tla 'me re a se khopamisa, 'me re etsa ntho e sa Mo khahlisang. Empa, semelo sa Hae se ratehang, se bopeletsoe; Molimo, ka ho bona ntho ea Hae—

hoba leano la Hae le leholo le popo ea batho ho aha lefatšeng, le ho phela ka khotso, le ho se shoe le ka mohla, ho se kule kapa ho opeloa ke pelo kapa ho tšoenyeha. Oh, ha se le—ha se le tsela eo Ntate a re hlahiseltseng eona! 'Me eo e ne e le ea Hae—eo e ne e le takatso ea Hae, hore re be ka tsela eo. O ne a sa re lakaletse ho ba maemong a ho shoa kamoo re leng kateng. Sena, le e—e maemo ao lefatše le leng ho ona kajeno, ha se takatso ea Molimo le ka mohla. O ne a sa lekanya hoo, ho hang.

⁴⁴ Empa eitse ha A bona hoba popo ea Hae e ne—e ne e oele, joale semelo sa Hae se ratehang se Ipopella ka har'a Botho ba Kreste. Semelo sa lerato la Molimo ka Sebele se Itlhahisitse ka ho Monna, Kreste. Joaloka ha Pauluse a bua mona, "Ha a lekanya hoba o a utsoa, empa a Itekanya, ho itekanya le Molimo, ke rialo." Le a bona? Semelo sa Hae ka Sebele se bopile Motho oa mofuta oo. Oh, ho se ea ka etsang hoo haese Molimo. Sena se entsoe hore A tle a lefe kotlo ea tlolo ea popo ea Hae. Ua bona? O . . .

⁴⁵ Ntho e 'ngoe e tlameha ho pholosa popo ena. 'Me ho se letho le ka o pholosang, hoba mofuta o holimo ka ho fetisia oa popo ea Oona o ne o oele, 'me ntho e 'ngoe le e 'ngoe e tlasa eona e oele le 'ona, hoba e ne e oele. Ho setse ntho e le 'ngoe feela, e sa kang ea tlola, 'me e ne e le Molimo, maholimō. Ka hona ntho e 'ngoe ea maholimō ea tlameha ho theoha ho lopolla popo ena, hobane ho ne ho se letho mona le ka e bopang. 'Me lerato la Molimo ka sebele ho lefatše le bopile semelo se pepesitoeng ka ho Kreste. E ne e le semelo sa Molimo. E ne e le setšoantšo sa Molimo se bonahalitsoeng. Ka ho Eèna e ne e le Molimo, Molimo ka ho Kreste, o Itšenolelang lefatše. 'Me ha ho lerato le ka fetisang lerato leo ka boholo, hore, Motho ea joalo a ka fetoha seo A se entseng, ho—ho lopolla se lahlehileng.

⁴⁶ Hoo ho loketse joalo, mohopoloo oo feela hantle mono, o lokela ho hlabisa Phoenix le lefatše lohle lihlong, ho bona maemo ao re oetseng ho 'ona. 'Me ke eng . . . Molimo, o Itlhahisang, ho etsa morero oa topollo, ho—ho lopolla semelo se oeleng sena sa rôna.

⁴⁷ Hona ho entsoe hore kotlo e tle e lefshoe, hobane e—e kotlo e ne e le lefu. 'Me e mong tlas'a kahlolo ea lefu a ke ke a lefa kotlo ea ea latelang tlas'a kahlolo ea lefu. Ka baka leo ho ne ho loketse ho tle e Mong ea neng a lokolotsoe lefung, hore a tle a lefe kotlo. 'Me ho se e mong ea neng a ka tla haese Molimo, hobane E ne e le Eena feela ea neng a lokolohile kahlolong ea lefu.

⁴⁸ Joale, ka baka leo, semelo sa Hae se ratehang sa lerato, oh, ho rôna, se—se hlakisa Johanne 3:16. "Hobane Molimo o ratile lefatše hakaalo O bile oa le nea Mora oa Oona ea tsoetsoeng a inotši, hore ea lumelang ho Eèna a se ke a timela, a mpe a be le Bophelo Bosafeleng." Molimo, o a Itlhahisa, le ho fetoha Motho, A tle a behe sebopoho sa 'mopo oa Hae holim'a Hae. Ka mantsoe a mang, A fetola tente ea Hae. A e sarolla har'a bana ba batho.

⁴⁹ 'Me lesea, Jehova, le hooang sejelong, na le ka e nahana? E loketse ho raosa lipelo tsa balumeli. 'Me hoo hohle ho entsoe... Na le ka nahana, Jehova e le lesea ka—ka sejelong, ka—ka setaleng sa moiteli? Na le ka e nahana? Na le ka nahana, Jehova e monyenyan ea bapalang joaloka—joaloka moshanyana? Ke mohlala. Na le ka nahana, Eena joaloka mocha? Na le ka nahana, Eena a le ka levenkeleng la 'metli? 'Me na le ka nahana, Eena ka kutlo e feletseng ho Molimo, ho shoela sefapanong, ho lopolla popo ea Hae e oeleng? Molimo o le lerato la mofuta oo. 'Me O ne a lokela ho fetoha hoo, hore a tle a shoe, ho tšoara tsenene ea lefu.

⁵⁰ Joale, kea kholoa, masiu a 'maloa a fetileng re ne re hhalosa ntho e kang eo, mohla A neng a fihla. 'Me O rometse baporofeta le banna ba baholo, 'me O rometse Moshe le baporofeta, 'me O hlahisitse melao. Empa bana bohole ba sitiloe ho lopolla, kaha e sa ntse e le batho ba tlas'a kotlo ea lefu. 'Me ba sitiloe ho lefa moputso oa lefu, leha koana e ne e le lits'ea tse supileng ho tla ha Eo ea phethehileng, hoba ba ne ba sa phethahala. Empa mohla Enoa a neng a tsoaloa, O hlahile a se na sebe.

⁵¹ Molimo, Jehova, o ile a khurumetsa moroetsana le ho bopa Sele ea Mali, 'me mohla hoo ho neng ho tsoaloa, e ne e le Mora oa Molimo. Ka mantsoe a mang, e ne e le tabernakele. E ne e le nqalo ea bolulo moo Jehova a ka phelang har'a batho ba Hae le ho Itlhalosa, seo A neng a le sona.

⁵² Ke mohlala o mokakang, kamoo Molimo o halalelang o ileng oa bonahatsa, le ho nka sebaka sa mohlanka, ho hlatsoa maoto! Le ho bua, ho re, "Linonyana li na le lihlaha, le e—le liphokojo li na le mesima, empa ha Ke na moo Nka samelang hlooho ea Ka." Ka hona, ke mohlala o mokakang! Bophelo ba rōna bo ka halimisa joang, papisong le ba Hae? 'Me A etsa mohlala oa seo re lokelang ho se etsa, kamoo re lokelang ho ba kateng. Re lokela ho 'Mona ha u sheba seiponeng. Ho bona Kreste, seipone sa Lentsoe la Hae, kamoo A e sebelitseng ka lerato.

⁵³ 'Me re takile teramanyana bosiu bo bong, ea Kreste ea nyolohang Golgotha, le kamoo mehlala ea maoto, ea Mali a Hae e theohang mokokotlong oa Hae, moo A neng a shapuoe, le ho hlekefetsoa, le ho tetetsoa. 'Me sena sohle, molemong oa hau. O ne a se na sebe. O ne a se na sebe, empa O ne a etsoe sebe ka ho ba sehlabelo sa sebe.

⁵⁴ 'Me joale Molimo o ne a tlamehe ho—ho Itšenola ka litholoana tsa Hae, kahara Motho enoa ea bitsoang Kreste, e le hore a Ipelese lefu holimo. Joaloka Jehova, A ke ke a shoa, ka hona A lokela ho Ipopela 'mele. 'Me ha ho mosali ea neng a ka hlahisa 'mele oo. Kahoo semelo sa Hae ka Sebele... Amen. Ntšoareleng. Ha ke e nahana! Semelo sa Hae se hlahisitse Motho ea ratehang eo Jesu Kreste. Ho ne ho se mosali ea ka e tlisang. 'Mè oa Moshe, eèna, Jokobeta, e ne e le mosali e moholo, le Rebeka le

basali ba bang ba bangata, empa ha ho le a mong oa bona ea neng a ka hlahisa semelo sa mofuta ona, hobane se tlide ka kopano ea botho ka batho ba oeleng. Empa Molimo o ile oa hlahisa 'mele oa Oona ka Sebele, bolulo ba Oona. Lebaka leo E neng e le Mora oa Molimo, hoba ho se letho le neng le ka e hlahisa. Empa semelo sa Hae se Mokhethoa se hlahisitse tabernakele ena, ho Itlhalosa ka hare.

⁵⁵ 'Me, koana, A Itlosa nthong e kholo eo A neng a le eona. 'Me tsoalong ea Hae, A ka be a tlide ka tumeliso e tletseng ea Mangeloi. A ka be a tlide ka makoloi a ntoa le Mangeloi a Leholumō, empa O tlide ka tsela ea moliko. Leo ke lerato la Hae—la Hae, ho Itheolela nthong e tlase ka ho fetisa.

⁵⁶ Joale, u hlahlube semelo seo nakoana u ntoo icheba, 'me ke a icheba. Empa, ke seo A neng a le sona, ke Eo e neng e le Eena, 'me ke ka hona A neng a le teng, ho u pholosa. A nka . . . A fetoha uena, hore u tle u fetoha Eena. A nka moroalo oa hau oa sebe.

⁵⁷ Ka baka leo, ha re kopana le Eena, ha re ka ke ra tlameha ho ema . . . Re ne re ke ke ra ema ka pel'a Sefahleho sa Molimo. Ha ho mokhoa ho rōna ho e etsa. Empa ha re ema ka ho Eēna, ua bona, O se a hlomphile Sehlabelo. "Enoa ke Mora oa Ka ea ratoang eo Ke khahlisoang ke eena." A se elelloa. A se na sekoli ho Eena. 'Me, leha ho le joalo, O lekiloe habohloko joaloka monna ofe kapa ofe. Koana, O ile a songoa. A ts'ehoa. O ile a hlorisoa, ho tloha horeng eo A tsoetsoeng ka eona ho fihlela hora eo A shoeleng ka eona, leha ho le joalo A buseletsa botle ka bobe.

⁵⁸ U ke ke oa khona, ha ho mokhoa, ho hlahisa Semelo se joalo le ka mohla; haese feela, ho amohela Semelo seo ka ho uena. Kereke e ke ke ea etsa hoo. Tumeloana e ke ke ea etsa hoo. Bolumeli bo ke ke ba etsa hoo. Thuto e ke ke ea etsa hoo. E tšoanetse e be Tsoalo. E tlameha e be e—e ho shoa, le ho lumella Molimo ho kena, ka mohau oa Kreste, ho bopa mofuta ona oa botho ka ho uena, hore u fetoha Eēna, le bophelo ba hau le ba Hae bo a tšoana, ke moo le leng bara le barali ba Molimo.

⁵⁹ Eitse, ha A nyoloha thaba, 'me sefapano sa Hae se ne se hohla mehlala ea maoto, oh, ekare nka be ke le setaki, ekare nka be ke le sona, ho bua ho le takela setšoantšo sa Kalvari kelellong, sa hora e nyarosang eo lefatše le kileng la e tseba, 'me leha ho le joalo, ba ne ba sa lemohe se etsahalang, limilione li sa lemohe.

⁶⁰ 'Me na nka fetisa setšoantšo seo ke se buileng vekeng ena? Re boetse re kena horeng e tšosang, nako e tšabehang. 'Me Phoenix le lefatše li a tola, 'me likereke li ntse li tola, mokhoeng oa lefatše, le boipontši ba Hollywood, e mong o hloliswa e mong. 'Me litho tsa rōna li fetoha selefatše. Ekare ha ba bone setšoantšo, le botebo, le tšenolo, ea ho hlaha ha Mora oa Molimo matsatsing ana a qetelo.

⁶¹ E ne e le nako e nyarosang hakakang! Ba tsebile feela hore sesenyi se ne se le teng, tlas'a kahlolo ea lefu, o ne a tla shoa hoseng hoo. E ne e le phetho ho bona.

⁶² Ke phetho seo E leng sona kajeno, ho batho, ha ba utloa Molaetsa. “Monna e mong ea hlaha; mohalaleli-mothethehi e mong; kapa lehlanya le itseng la borapeli.” ’Me ha ke re ha ho mahlanya a borapeli. Empa na le tsebile hore... Ba ba bitsa, “Bailoa.” Be, mamelang. Mang le mang ea phelang hantle ke moihoa, ho lefatše lena la joale. Bohle re mesollane, kamoo re ka buang. ’Me tšoareleng polelo eo ea lefatše, empa ke eona feela tsela eo ke tsebileng hore u tla fumana seo ke buang ka sona; u a bona, motho ea mokhelo feela, ea mohlolo.

Jesu e ne e le Motho oa mofuta oo.

⁶³ Baporofeta e ne e le batho ba mofuta oo, ba fihlile mongoaheng mohla tsohle li neng li tšoasoloha. ’Me baporofeta ba fihla ’me ba tšoara lintlha tseo tse hlephileng, ’me ba li khutlisa ’me ba li sutumeletsa kantle sefahlehong sa batho, le ho ba bolella, “Oona Molimo oo le itlalehang le o sebeletsa o tla le timetsa, hoba le furaletse lenaneo la Oona. A ka u pholosa ka mokhoa oo feela.” ’Me ke bailoa kamehla.

⁶⁴ ’Me, kajeno, ha re utloa Molaetsa oa Molimo o hlaha, re O hopola e le molotsana, lehlanya, kapa ntho e ’ngoe. ’Me moo, taba eo e atile haholo lefatšeng: merero, ho etsa chelete, ho se tsotelle, batho ba tlas’ a tšekamelo le—le ho bua eka hoja e ne e le Morena. Kamehla Morena o Itsebisa ka sebele. Le a bona? ’Me lemohang.

⁶⁵ Empa, tabeng eo, na le tsebile lintho tseo tsohle li tlameha ho hlaha? Ruri. E—e rosa e tšoanetse ho hlahisa meutloa ea eona. E lefi le ka hare ho e—ka hare ho nate le lokela ho koaheloa ke lekoko. U tlameha ho klothola lekoko ho finyella lefi. Re mpa re hloleha ho bona lintho tseo. Mahakoe, e—e—e limetale le mahakoe, le chelete, silifera le gauta lithabeng tsena, li khurumelitsoe ka lerole, li tletse paeraete le limenerale tse ling tse khemang ’moho le eona. Re lebeletse seo. U tlameha ho e cheka. Ha morafi a fumana seo a se bitsang “lerole la moputso,” ke lerole, empa ke... Ba e bona. E a tšoantša ka mono, ke seriti sa mohloli o nonneng nqa e ’ngoe.

⁶⁶ ’Me ha re bona batho bana kajeno ba ipapisang le Bakreste, ’me ba phela ka mokhoa ofe feela, ke eng? Ke lerole la moputso. Mohloli o nonneng o teng kae-kae. Ha re bona motho a itšoere eka hoja a fumane Moea o Halalelang, athe ha ba na letho, ’me ba phela bophelo bo fapaneng, e mpa e le bopaki ba hobane mohloli o nonneng oa Moea o Halalelang oa makhonthe o ka tšolloa, o ka abang lintho tseo A li tšepisitseng. Re tlameha ho tsoetella haholo le ho apara hlompho.

⁶⁷ Jesu, tseleng ea Hae e nyolohang. Esale liabolosi a belaetse Hoo e le ho fetisang le moporofeta. O ne a sa lumele hore E ne e le Emmanuel. Molimo o bonahatsoang ka ho Mora oa Oona ka Sebele, Eena le Mora oa Oona ba Bang, khele, o sitiloe ho bona seo. Ebe Molimo, ’Mopi e moholo, o ne a ka ema joang a lumella

motho ho 'Molella, "Be, ha u le Mora Molimo, laela majoe ana a fetohé bohobe"?

⁶⁸ 'Me O ne a ka khona joang, lebaleng la Pilato, athe e... Tšoarelang tlhahiso eo; empa mohla ho engoeng kamoo thakali e fatelang kateng, kamoo re ka e bitsang. 'Me mono keha A koahetsoe ka lesela sefahlehong sa Hae, 'me—'me masole a Roma a Mo tšoela sefahlehong, le ho rutla telu, 'me Mali a phorosela. 'Me mofapahlooho oa meutloa o le hloohong ea Hae. 'Me a shapuoe, 'me Mali a Hae a phalla ka bolokolohi maphakong a Hae. 'Me Satane o shebile hoo. Le khurumetsa sefahleho sa Hae ka lesela, 'me masole a Mo bata hloohong ka molamu, ba ntoo o fetisetsa ho e mong, ho re, "Joale, efela ha u khona ho bona lipono tsena, ha u le moporofeta, joale, u—u re bolelle ea u batileng." 'Me ha A ka a ahlamisa molomo oa Hae. Eaba ba nahana hore...

⁶⁹ Satane o itse, "Hoo, e ke ke ea eba Mora oa Molimo. E ke ke ea eba eona feela. O ne a ke ke a mamella ntho eo." Empa bara ba Molimo ba mamella ntho efe feela ha ba mpa ba tseba hore ba etsa thato ea Molimo. 'Me ke sona seo A ttileng ho se etsa. Nyatso!

⁷⁰ Joale, ka Molaetsa oa rōna, na re ka ema pel'a seipone sa Lentsoe la Molimo le ho bona Kreste a halimisoa maphelong a rōna ke hona? Na re ka mamella tse joalo, le sekhobo sa Molaetsa oo re o emetseng mona? Motho a ka bua taba ka Oona, 'me u mpa feela u sa ahlamise molomo oa hau ho bua letho ka eona. E ne e le mohlala, hobane Molimo o ne a halimisa semelo sa Hae ka ho Eena. 'Me haeba re le bara le barali ba Molimo, Molimo o halimisa semelo sa Oona ka ho rōna, ke moo re tšoanang le Eēna. Ke takatso ea pelō ea ka eo. Ke kholoa eo e le takatso ea molumeli e mong le e mong, ke ho tšoana le Eēna ho feta.

⁷¹ 'Me eaba tseleng e nyolohang leralla, mohla Satane a reng, "Ho lokile, lefu, joale u a tseba hore ke 'na ea u laolang. 'Me ke Eo. Qetellong ea Mo khathatsa. Ha fihla moo A—A felloang ke bohlale ba Hae. Ha A sa tseba seo a ka se etsang hape. O fetohile sekhobo har'a batho. Molaetsa oa Hae o fefoha sebakeng. 'Me joale 'muso o Mo tšoere, 'me O hlotsoe. Ha se Molimo. Theohela tlase mono u totometse tsenene ho Eēna. Mo ntše bophelong."

⁷² 'Me tseleng e nyolohang leralla, mohla notši e qalang e bobola e Mo teetse hare. Empa ke ka hona E neng e tlameha ho ba ea fetisang motho. Holane E ne e le monna, kapa moporofeta feela, kapa ntho efe e katlasana ho Molimo, holane E ne e le seo, lefu le ka be le Mo hlabilo 'me A ka be a robetse lebitleng.

⁷³ Empa notši ea lefu e tšoana le kokoanyana efe feela e nang le tsenene. Haeba e ka totometsa tsenene ea eona ka botebo, matsatsi a eona a ho hlaba a felile. E fothola tsenene ea eona.

⁷⁴ Be, ha feela nama ea motho e ne e le ka—ka sebopaho sa sebe, ho tsoalloa tlas'a ketso ea thohako ea bong, eitse ha lefu le hlaba nama eo, tsenene e ne e ka khutla ea hlaba e mong.

⁷⁵ Empa eitseha le hlaba nama *eo*, hoo ha fothola tsenene ea lona. Ha le sa na motsu. E ne e le Molimo nameng, o ahileng har'a batho. Matsatsi a lona a ho hlaba a ne a fetile. Ke ka hona Molimo a neng a tlameha ho Ikhalmisa ka 'mele, etsoe, re tseba e le Mora oa Molimo, Jesu Kreste. 'Me O entse hoo hore A tle a hlakole kotlo.

⁷⁶ Hobane, le a bona joale, re fetela karolong e 'ngoe ea Lengolo. Empa le a bona joale hobaneng Monna *eo* e ne e se moruti feela, joaloka ha batho ba 'Molela joalo kajeno, mofilosofe, kapa Monna ea lokileng, kapa moporofeta. E ne e le Emmanuel. E ne e le Mora oa Molimo, e leng Jehova Molimo o bonahalitsoeng ka bokhethi ba Hae ba ho Iponahatsa ka 'mele oo A o ahileng, ka Sebele. Amen. E ile ea halimisa. 'Me tlhaho ea motho ea tletseng sebe e sitiloe ho etsa seo A se entseng. Le a bona? Ka hona e ne e loketse e be Molimo o etsang oa Oona... ho Ikhalmisa ka ho Monna, ho etsa seipone, re tle re bone Monna *eo* ea phethehileng, e leng Kreste. Ee.

⁷⁷ Sena, ho etsa hoo, ho halimisitse semelo sa Hae se khabane, se ratehang. Le a bona, ka ho Eena e ne e le bokhethi joaloka Mopholosi, 'me bo ne bo loketse ho iponahatsa. 'Me E ke ke ea e-ba Mopholosi 'me e be motho ea tsoetsoeng ka tlhaho. O ne a tlameha ho ba ea fetang motho. 'Me O ne a le joalo. Eena feela Ea neng a ka khona ho etsa sena, kahobane O ne a se na sebe ka tlhaho.

⁷⁸ E ne e le Molimo Lentsoeng. Joale, Santa Johanne, khaolo ea 1, e hlalosa seo. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama." Molimo o fetoha nama mohla O neng o bapisa, kapa mohla O neng o Ipontša lefatše, ka sebopoho sa Mora oa Hae, Botho ba Jesu, Mora oa Molimo. Molimo o Ipontšitse ka ho Motho *eo*.

⁷⁹ Na Jesu ha a bolela, "'Na le Ntate re Bang. Ntate o ahile ka ho 'Na. Ha se 'Na ea etsang mesebetsi. Ke Ntate oa Ka. O ahile ka ho 'Na. Ha Ke itaole. Ke Eena ea etsang hoo." Seliba sa Lentsoe la Molimo, se hlalositsoeng! Amen. Ke utloa pentekosta. Ee.

⁸⁰ O ne a hloka sebe ka tlhaho, 'me e le eona feela ntho e neng e ka hlahisa Molimo oo o se nang sebe, Lentsoe, Lentsoe ka ho ba Molimo. 'Me lentsoe ke mohopolo o hlahisoang. 'Me eitseha Molimo o nahana ka motsoali, O hlalositse mohopolo oa Oona, 'me—'me Kreste e ne e le tlhaloso ea Molimo. Amen. Le a e bona? E ne e le tlhaloso ea Molimo, hore Molimo e ka ba ronale ho phela joaloka ha re phela, leha ho le joalo ho hlalosa ka ho phethahala seo motho ea phethahetseng a lokelang ho ba sona, ka ho phethahala. E ne e le Lentsoe la Molimo le bonahalitsoeng le nètfalitsoeng ka ho hlaka, le tsebisitssoeng. Mohla A neng a eme mona lefatšeng, O itse, "Ekare ha Ke sa etse mesebetsi ea Ntate oa Ka, le se ke la lumela ho 'Na."

'Me O itse, "Ke mang ho lōna ea ka Nqosang ka sebe?"

⁸¹ Ke rata ho le manollela eona nakoana, haeba e le ntho e ka etsoang. Le a bona, *sebe* ke "ho se lumele." Ho na le ntho tse peli feela, likanale, tseo u ka phelang ka tsona. E 'ngoe ea tsona ke tumelo, 'me e 'ngoe ke ho se lumele. "Ea sa lumeleng o se a ahlotsoe." Ho tsuba, ho noa, ho etsa bohlola, leshano, ho utsoa, boetsisi ba nama, lintho tseo ke litholoana tsa ho se lumele. Holane u ne u le molumeli, u ne u ke ke ua etsa lintho tseo. Che. U etsa joalo hoba u se molumeli.

Oh, u—u re, u re, "Oh, empa ke molumeli."

⁸² "Empa le tla ba tseba ka litholoana tsa bona." Le a bona? Liketso tsa hau—tsa hau li bua ho feta seo boipolelo ba hau bo se pakang. Le a bona? Ha u sa lumele Lentsoe la Molimo, 'me u Le bala e le ntho e fetileng, kapa ho nka buka e itseng litulong tsa Lona, le ho re, "*Hona* ho lokile hakaalo ka Hoane," ho a bontša hore ha u molumeli. Ke hantle. U a—ha u eena. 'Me haeba u ne u le eena, joale u ne u tla lumela Lentsoe la Molimo. E ne e tla . . . O ne a tla Itlhalosa ka Lentsoe la Hae.

⁸³ Joale, E ne e le Lentsoe la Molimo le bonahalitsoeng. 'Me O itse, "Joale, ekare ha le sa lumele ho 'Na," ho re, "le lumele mesebetsi eo Ke e etsang. Batlisisang Mangolo, hoba ho Oona le nahana le na le Bophelo Bosafeleng. Athé ke eona ntho e bolelang hore Ke Mang." Oh! Kea ipotsa haeba . . . ? . . . "Le a bona, ke Eona e bolelang hoba Ke Mang. Mangolo a bolela hoba Ke Mang."

⁸⁴ 'Me e reng ke e ntšetse pejana, na le tla etsa joalo? Mangolo ke 'ona a bolelang seo u leng sona. Hoo ho hhalosa uena le ho hhalosa 'na. Mangolo a bolela seo re leng sona. E hholiea hoo lentsoe la rōna le sa utluoeng. Bophelo ba rōna bo hholiea ho feta lentsoe la rōna, le a bona, 'me ke mokhoa oa Molimo ho re bontša seo re leng sona.

⁸⁵ Jesu o boletse ntho eona eo. "Ke Oona a Mpakang. A paka seo Ke leng sona. 'Me ke mang ho lōna ea ka Nqosang ka ho se lumele, sebe? Haeba Ke sa etsa ka tšoanelo . . ." Mamelang, ke bua ka ho icheba. "Haeba Ke sa Itsibisa ka nēpahalo ho ba seo Lentsoe le boletseng Ke tla ba sona!"

⁸⁶ Kea ipotsa haeba rona Bakreste re ka nahana seo bosiusing bona. Ho ipotsa haeba re ka sheba seipone sa Molimo, hore littlhoko tsa Mokreste ke life, le ho iketsa setlama ka mokhoa oo. Kea ipotsa hore re ka khona na. Ke a ipotsa na re ka iketsa setlama bosiusing bona le Johanne 3:16, le, oh, Mangolo a mang 'ohle; Mareka khaolo ea 16, le libaka tsena tsohle, tseo, le koana ho—ho Bagalata, kea kholoa, le—le libakeng tse fapaneng, Bathessalonika ba Bobeli, moo ho leng litholoana tsa Moea, le joalo-joalo. Kea ipotsa re ka iketsa setlama na.

⁸⁷ Jesu o itse, "Ke mang oa lōna ea ka Nqosang, hore ha Ke eso phethise le ho etsa hantle feela seo Mangolo a boletseng Ke

sla se etsa." Ha ho motho ea ka buang lentsoe, hobane O ne a Itsebahalitse ka 'neta.

⁸⁸ 'Me bao, joaloka ha ba etsa kamehla, moipehi-molumeli o Mo tsebahalitse e le Belsebule, moea o mobe. Mohla A ne a Itsebahatsa ka temoho ea moea, hore E ne e le Messia, eaba ba re, "Oo ke moea o mobe ka ho Eèna, o etsang lintho tsena." Ka hona, le a bona, O ne a nètefalistoe ka ho hlaka. Phoso e ke ke ea hlaha.

⁸⁹ Mosali e monyenyane selibeng ha a ka a etsa joalo—ha a etsa phoso ea letho. A re, "Monghali, rea tseba, Messia mohla a tlang, O tla etsa lintho tsena, empa Uena u Mang?" Eena . . .

A re, "Ke Eena."

⁹⁰ 'Me Monna ea ka etsang ntho e kang eo ruri o tla bolela 'Nete. 'Nete ea Molimo e ne e le ho Eena. 'Me ba ne ba laetsoe, ekare ha ho hlahile moporofeta 'me—'me a etsa, a bolela taba, 'me seo a se boletseng se hlahile, o ne a tsebahalitsoe e le moporofeta. 'Me o Mo lemohile e le moporofeta, le ho botsa hoba E ne e le Mang. 'Me O 'moleletse, eaba ke phetho. A matha a kena motseng a re, "Tloong, le bone Monna Ea mpoleletseng lintho." Phoso e le sieo ka eona.

Filipi o ne a se na phoso.

⁹¹ Leha, mohla, Nathanaele, ke rialo, mohla Filipi a lekileng ho 'molella se etsahetseng mohla A kopanang le Simone, empa, eitse ha Nathanaele a fihla, keha a batla a belaela.

⁹² Empa eitse ha a bona Jesu, 'me Jesu a re ho eena, "Bonang Moiseraele, eo ho seng mano ho eena."

A re, "Rabbi, U ntsebile neng?"

⁹³ A re, "Le pele Filipi a u bitsa, Ke u bone." Ha ho—ho se khonahalo ea phoso ho hang.

⁹⁴ A re, "Rabbi, U Mora oa Molimo. U Morena oa Iseraele."

⁹⁵ Jesu o itse, "Hobane Ke u boleletse seo, u a lumela. U ka bona tse fetang tseo ka boholo joale."

⁹⁶ Tlhaho ea hae e se nang sebe e hlalositse Lentsoe la Molimo. Ua bona? E ne e le Lentsoe, ka hona Molimo oa Iponahatsa ka tlhaho eo e se nang sebe.

⁹⁷ Na nka khefutsa mona motsotsaana feela. Ha ke batle ho le tšoarella halelele, empa ho bonahala ho le monate haholo, ho 'na, ho qoqa le batho.

⁹⁸ Lemohang, u a bona, tlhaho ea Hae e se nang sebe e hlalositse seo A neng a le sona. Eena, joale, haeba semelo sa Hae se se nang sebe, Molimo o Iponahalitse ka semelo seo se se nang sebe, hoo ho supa semelo sa rona se le khopo. 'Me ho sa tsottelehe re leka ho se qamachisa hakae, kapa re leka ho se sutela litokomane hakae, se tlamehile ho hloka sebe joaloka sa Hae, 'me ke moo Lentsoe la Molimo le ka phallang har'a sona.

⁹⁹ Hoo ha ho bolele phetheho ka bo-uena. U ke ke oa ba seo. Empa, u a bona, esita le batho ba rōna ba suthela hole le temalo ea khalalelo. Re qala re lahlela marapo a mangata. U a bona? Re tlameha ho fihla tulong eo ea maipolelo a rōna. Ke mohlala oa rōna, 'me Ke Pelesa ea sebe sa rōna. 'Me haeba re Mo tlaleha e le Moetsa-khahiso oa rōna, Ke Pheko ea rōna, haeba re ipolela seo, hoo ho tlameha ho Mo halimisa hape ka ho rōna. 'Me re epistole e ngoliloeng, seipone, seo batho ba ka bonang Kreste ka ho rōna. 'Me joale, haeba ba sa etse joalo, re a—re a—re shebile ntho e 'ngoe, 'me ha re a sheba ho Eèna. "Talimang ho Eena, lona lipheletso tsohle tsa lefatše, 'me le phele." Tsela feela eo u ka khonang.

¹⁰⁰ Ea hae e tletseng sebe . . . hlaho e hlokang sebe e ile ea hlensis Lentsoe la Molimo, hakana, hoo Eena le Lentsoe ba neng ba le Bang. O boletse joalo. "Na le Ntate oa Ka re Bang. Ke etsa se khahlisang kamehla. 'Na le Ntate oa Ka re Bang feela." O ne a phethehile hakaale setšoantšong sa Molimo hofihlela Eèna le Molimo e le ntho e tšoanang. E ne e le nama, Mora, ea hlensiseng boMolimo ba Molimo. Ka hona hoo ho Mo entse bomolimo ka ho Motho, ho lopolla motho. Ua bona? Eèna le Lentsoe ba ne ba le Bang. "Lentsoe le ne le le tšimolohong, 'me Lentsoe e ne e le Molimo. 'Me Lentsoe le ne le etsoe nama." Ka baka leo, Eena le Lentsoe ba eba Bang, hore Lentsoe le tle le hlahose 'me le ka bontša lefatše Mohlala oo oa seo motho a tlamehang ho ba sona.

¹⁰¹ 'Me motho a ke ke a ba joalo ka bo-eena. Ha ho mokhoa oa ho e rupella teng. Ha ho mokhoa oa ho ngolisa ho eona. Ha ho mokhoa oa ho e kolobetsa. Ha ho mokhoa oa ho etsa letho ho eona, haese ho e bolaea feela.

¹⁰² 'Me e ke e tsaloae labobel, 'me ho kene Tlhaho e ncha. Ke eona feela tsela, ho bolaea tlhaho eo ea hau, hore u tle u be . . . 'Me Lentsoe le fetoha ntho e phelang, Le mpa le Itlhahosa ka uena. Ua bona? Ke moo u shebileng seiponeng, ha batho ba u bona u le seipone. Hobane, u a tseba, Molimo o entse tsela. Batho ha ba batle ho bala Bibele, ka hona Molimo o u entse Bibele. U eona. Seo u se etsang, batho ba u shebile.

¹⁰³ Modimo o rometse diipone tsa Hae, tsa Hae—tsa Hae—ponahatso ea Hae e Itlhahisitseng ka ho baporofeta, hobane Lentsoe le tlide ho baporofeta. 'Me ba hlahositse Molimo ka hono, leha ho le joalo, boporofeta ba bona boo Molimo o ba fileng bona.

¹⁰⁴ 'Me joale Molimo o Itlhahosa ka Mora oa Oona, Kreste Jesu, O re kenya joaloka bana ba hlomamisitsoeng, le ho kenya Moea oa Hae ka ho rōna, ho hooeletsa, "Abba, Ntate." Ua bona? Kapa, ka mantsoe a mang, "Molimo oa ka, Molimo oa ka!" Le a bona? Ebe moo Moea o Halalelang ka ho rōna, Moea oa Kreste o hlahosang Jesu Kreste, 'me batho ba u sheba. Ua bona?

¹⁰⁵ 'Me ha ba bona boikaketsi le ntho eohle, ha ho makatse, re lahlehetsoe ke Matla a rona. Letsoai le tapile.

¹⁰⁶ Oh, ha ho tlhaho e 'ngoe e neng e ka etsa sena. Che. Hoba, E ne e le semelo se phetheleng sa Molimo.

¹⁰⁷ Hoba, tlhaho eohle e ne e nkile semelo se oeleng. Batho bohle ba ne ba e-na le semelo se oeleng. Esita le ntho e 'ngoe le e 'ngoe tlas'a motho e ne e oele. Ntho e 'ngoe le e 'ngoe e fupile semelo se shoang.

¹⁰⁸ 'Me O ne a ena le semelo se phelang, ka hona O se hhalositse ka ho Kreste, 'me O lefile moputso. 'Me ka baka la kutlo ea Hae, O Mo tsositse ka letsatsi la borarō. Ua bona?

¹⁰⁹ 'Me ebe O re fa, hoo ho re fa e—e bopaki, e re fa tiisetso, hore, ha feelsa re ntse re le ka ho Eena, re se re tsophile le Eena. Re ke ke ra tsaha le Kreste; re se re tsositsoe le Kreste. Ke hantle. Re ka ho Kreste joale. 'Me haeba Kreste a tsophile bafung, na ha re a tsosoa bafung le Eena? Amen. "Joale re lutse 'moho libakeng tsa Leholimo ka ho Eena." Oh, khili! E loketse ho etsa hore lona Mapresbeteriene le hlabe litlatse. Uh-huh. Ee. Ka sebele. Litšoantšo tse bonahalitsoeng tsa Molimo, tse bopeletsoeng ka setšoano sa Kreste, lefatše le tle le 'Mone ka ho lona. Ke sona seipone seo ho shebjoang ho sona.

¹¹⁰ Ha ho tlhaho e 'ngoe e neng e ka e etsa; e ne e oele. 'Me Molimo o ile oa tsebahatsa, shebang, Molimo o Itsebahatsa e le Monna, 'me oa Inkela seboleho sa sebe. Joale, be, e seng sebe, empa seboleho sa sebe, hore A tle a nke sebe sa moetsalibe, le a bona, le ho lefella kotlo ea sona, le ho buseltsa moetsalibe Bophelo boo a bo fumaneng pele ho tlolo. Oh, khili! Molimo o re taketsetse lerato le le kakang! Ua bona? E naheneng.

¹¹¹ 'Me joale le hopole, hoba Jesu a etse sena, mohla ho seng motho ea ka e etsang, rea mengoa. Joale, kereke, nahana sena motsotso feela. Re memeloa ho bopa semelo sa rōna ka sebele ho sa Hae, ka mohau oa Hae. Re a mengoa, e naheneng, ho fetoha limelo tse joaloka sa Hae. Haeba re itokiselitse ho lahla semelo sa rona, le semelo seo re bileng le sona, "Bakaki, baikhohomosi, ba ratang menate ea nama ho feta ho rata Molimo, baetselletsi, ba sa khoneng ho itšoara, ba hloeang ba lekang ho etsa hantle, ba nang le seboleho sa borapeli 'me ba latola matla a Lentsoe." Ebe Molimo o ka kena joang tulong e joalo, athe ba latola Lentsoe? Athe, O hlokomela Lentsoe la Hae, ho Le nētefatsa, ho Le phethahatsa. 'Me Lentsoe le le ntšelitsoe kantle, ebe A ka Itsebahatsa joang ka ntho e kang eo?

¹¹² Re tlameha ho nka Evangeli eohle, e tletseng. Re tšoanetse joalo. 'Me joale, erekaha re iponahalitse joaloka batho ba Evangeli e tletseng, tloong re bope semelo sa rona. Re memeloa ho bopeloa setšoantšong sa Hae, re tle re halimise Boteng ba Hae. "'Me mesebetsi eo Ke e etsang, le lōna le tla e etsa. Bophelo boo Ke bo phelang, le lōna le tla bo phela." Rea mengoa, ke Molimo,

ho Mo etsa Mohlala, 'me semelo sa rōna se boptjoe joaloka sa Hae. Ntho e kakang! Khele!

¹¹³ Hape, ha re lumella semelo sa Hae ho aha ka ho rōna, ke moo re fetohang bara, ka ho rua mohopolo oa Kreste, mohopolo, e leng semelo sa Hae. Mohopolo oa hau o bopa semelo sa hau. "Mohopolo," Pauluse o boletse, "oa Kreste, mohopolo ona o nong o le ka ho Kreste, u be ka ho lona." Mohopolo oo oa Kreste o be ka ho lona. O bopa semelo sa mora oa Molimo. Joale, kamoo . . .

¹¹⁴ Mamelang motsotso feela. Re ka ba le mohopolo oa Kreste o neng o le ka ho Eena joang, re ntano latola lintho tseo A re laetseng ho li etsa? Re ka fetisetsa mehlolo joang nakong e fetileng, athe eèna Kreste ka Sebele e ne e le Molimo, le Molimo ka ho lona. Ka pel'a Sefahleho sa Molimo, mehlolo e teng kamehla. O itse, "Le Mpitsa 'Morena.' Le mpitsetsang 'Morena,' athe ha le etse lintho tseo ke le laetseng hore le li etse, tseo Ke le laetseng hore le li etse?" Na ha le bone moo re fihileng teng, moo kereke e ritsetsang teng? 'Me ke e fumana e jele setsi haholo har'a Mapentekosta a rona, hape. Re ntse re ritsetsa hole haholo le Thapobophelo eo. Re tšoanelia ho khutlela ho eona, motsoalle, ho khutla, hoba re ntse re hola hona joale.

¹¹⁵ Kea bona hore khatiso ea Borakhoebo ke e kholohali, e batla e lekana le ea Oral Roberts. 'Me ke fumana hore ha re qala re hola, re qala re etsisa ntho e kholo, le a bona, joaloka ha Iseraele e entse. 'Me rea tloha ekare re ipapisa le—le ba bang bohle. Hopolang, "Le batho ba fapaneng. Le sechaba se halalelang, baprista le borena, batho ba ikhethileng." Khele, rona Mapentekosta re fetohile ha re sa ikhethile ho feta lefatše lohle. Re apara feela, re a itšoara, ho bua, ho etsa lintho tseo ba li etsang; ho mathela hae, ho shebella thelebishene, sebakeng sa ho lula kerekeng; le lintho tseo ba li etsang feela, ho ka thualo. Re leka ho qothisana lehlokoa, ho leka ho etsisa ba ha Joneses. Ua bona? Ha re batle ho etsa joalo.

¹¹⁶ Re batla, ho etsa Bibele ena seipone sa rona, le ho lumella hore re boptjoe ke semelo sa Hae; ho rua semelo sa Hae, mohopolo oa Hae, ho lumella mohopolo o neng o le ka ho Kreste ho ba ka ho rona. Mohopolo oa Hae kamehla o ne o . . .

¹¹⁷ Mohopolo oa Hae e ne e le ho etsa'ng, mohopolo o nong o le ka ho Kreste? Ho lula le Lentsoe la Ntate kamehla. Ho sa tsotolehe se neng se shebahala se benya, le se shebahalang ka tsela *ena*, ho ne ho sa etse phapang ea letho ho Eena. Lentsoe la Ntate ke lona le balloang. Hohle, mohla A kopanang le liabolosi, ha A sebelisa matla a Hae ho mo hlola. O sebelisitse Lentsoe, hoba e ne e le Eèna.

¹¹⁸ Na le kile la nahana? Ha A ngola buka mehleng ea Hae lefatšeng. Ho ea kamoo re tsebang, ha A ngola haese khetlo le le leng. E ne e le lehlabatheng. Eaba o a e hlakola, mohlomong, hamorao. Hobaneng A sa ngola lentsoe? Hobane E ne e le

Lentsoe. Ua bona? O phetse Lentsoe. Ha re hloke libuka tse ngata hakana, ha u fetoha epistole e ngotsoeng ea Molimo. Ua bona? Ua bona? Ke seo Molimo a batlang u be sona, litšoantšo tsa Hae.

¹¹⁹ Le a tseba, lefatšeng la bahetene, bahetene ba ne ba emisa setšoantšo 'me ba namalle ka pel'a setšoantšo, 'me ba fehla maikutlo a makana ho fihlela ba lumela hore ba utloa molingoana oo o ba arabela. Ke taba ea kelello, empa e fapanystsana hakakang le 'Nete ea Molimo.

¹²⁰ Molimo o a u batla. Ha a batle setšoantšo. U setšoantšo se phelang sa Molimo. 'Me u namalla pel'a Molimo, 'me O u tlatsa ka sebele sa Hae, 'me u Mo bonahatsa e le seipone sa ho sheba, Kereke ea Hae.

¹²¹ Re fumana phapang e kakang. Re batla ho tšoana le Presbeteriene, Methodise, le ho nyolohela holimo-limo feela. 'Me ntho e' ngoe le e' ngoe e tlameha ho bentšoa le ea maemo. 'Me re ntse re mpefala feela. Le a bona? Le a bona? Re na le... ho fapoha tsela eo e kutlehileng. Khutla, uena kereke. Kea u bolella, hobane ho Khutla ha Morena ho atametse. Eèna e ke e be setšoantšo sa lona se hhalositsoeng, ho Itthalosa ka ho lona, hoba kamehla O ne a phethisa Lentsoe la Molimo ka nèpahalo.

¹²² Ke seo baporofeta ba se entseng, e mong le e mong. "Lentsoe la Morena le tlie ho baporofeta." 'Me ba tsebile joalo hore e ne e le bona. Moshe, Lentsoe la Morena le tlie ho Moshe. Haholo... Lentsoe la Morena le tlie ho Nohe. Lentsoe la Morena le tlie ho Daniele. Lentsoe la Morena le Iponahalitse ka bana ba Baheberu. E ne e le eng? Mohla banna, ba mongoaha ofe, ba neng ba nka Lentsoe la Molimo, eaba Molimo o ba hlahisetsa Lentsoe leo.

¹²³ Nohe e ne e le setšoantšo le pontšo ea kahlolo ea Molimo e tlang, 'me o hhalositse Lentsoe. 'Me ka ho tiisetza Lentsoe, lona Lentsoe leo a le hhalositseng, o tsoile lefatše 'me a pholosa ba ntlu ea hae.

¹²⁴ Daniele o ne a rerile pelong ea hae, a ke ke a itšilafatsa ka lefatše. 'Me eaba e etsa'ng? Ea pholosa bophelo ba hae. Bana ba Baheberu, ka ho tšoana.

¹²⁵ 'Me motho mang le mang ea kileng a sebeletsa Molimo, a fetoha setšoantšo sa Molimo, e ne e le Molimo o hhalosang Lentsoe la Oona ka sebele ka bona. Hobane, bana ba Baheberu ba itse, "Molimo oa rōna o khona ho re lopolla." Ba ne ba se na tšenolo ea eona, le ho feta moo. "Empa," ha thoe, "leha ho le joalo, re ke ke ra khumamela setšoantšo sa hau." E ne e le eng? Ba ne ba hhalosa tumelo ea bona Lentsoeng la Molimo. 'Me Molimo oa Itlhahisa hape 'me oa halimisa, 'me E ne e le Monna oa bone eo ba 'moneng, seiponeng seo ka mono. Molimo, o Itthalosa ka litšoantšo tsa Oona tse phelang! Oh, khili!

¹²⁶ Joale ha re shebeng ka—ka seiponeng sa Molimo, Lentsoe, 'me re supe semelo sa rona sa joale. Joale, nka le nyatha hanyenyane feela.

¹²⁷ Ha ke sa tla nka nako e ngata. Oh, khili! Ha kea tseba e se e le morao hakaalo, kotara kamora moo. Ha ke na tšupanako mona.

¹²⁸ Ke shebile e 'ngoe bosiu bo bong, 'me ka rera lihora tse ka bang peli. Ka nahana, "Khele, ke hora ea bosupa feela. Ke sebetsa hantle, ke ne ke qala ke futhumala." 'Me mona e ne e le mashome a mararo ka morao ho robong, nako ea ho khaotsa.

¹²⁹ Lemohang. Re ke ke ra lula halelele, le hona. E reng ke le hlahisetse sena hona joale, shebang...[Moena o re, "Qhoba."—Mohl.] Lemohang. Kea leboha. Lea tseba, mohla...

¹³⁰ Ha re boneng haeba re ka iketsa setlama. Joale mamelang. Sekehang sena tsebe, seo ke se buang joale, semelo sa rōna sa joale. Ke tla tsamaea butle haholo. Ke batla e thophothele ka botebo joale, pele re koala. Holane u phetse matsatsing a Nohe... Joale, nahana feela seo u leng sona. Tšepahala ho uena. Hobane, haeba u sa tšepahale ho uena, u ke ke ua tšepahala ho Molimo.

¹³¹ Holane u phetse matsatsing a Nohe, 'me u ne u fupile semelo sa hau sa joale, u ne u ka iketsa setlama le sehlopha sefe? Joale e nahane. Sehlopha sefe?

¹³² Athe, lehlanya la khale ke lena le eme holim'a leralla, le pakiloeng, hape le hape, lilemong tse lekholo le mashome a mabeli, hore o lahlehetsoe ke kelello, hobane ruri o lepa metsi a theohang holimo mono. 'Me lisebelisoa tsohle tsa bona tsa mahlale li e pakile e ne e le sieo. 'Me kahobane e ne e sa kheme le lintho tsa bona tsa mahlale, ebe Molimo o Matlaohle o ka etsa ntho e khahlano le mabaka a bona joang? Le a bona? 'Me ha buuoa monna eo. E ne e le ntho e tše豪ang ea nako eo.

¹³³ Joale, kea ipotsa. Yaa. Botsang seo feela, u ne u ka iketsa setlama le sehlopha sefe? Ka mohopolo o tummeng oa letsatsi leo?

¹³⁴ Oh, u re, "Ke—ke setho sa kereke." Ha se seo ke buang ka sona. Ba ne ba teile lihlopha tse ngata tsa kereke letsatsing leo, mohlomong ho feta tseo ba li tšoereng joale.

¹³⁵ Empa e mong a tšoere e—e molaetsa o tsoang ho Molimo. Ke hantle. 'Me o hlile o sa ratoe. Sehlopha sa hae se hlile se sa ratoe, hoba o ne a nkuoa e le lehlanya. Na u ka itokisetsa ho iketsa setlama le sehlopha seo sa lehlanya?

¹³⁶ U ne u ka e sebetsa ka mokhoa o le mong feela le ka mohla, ke ha E ka senoleloa uena ka seqo. 'Me na le tsebile Molimo o hahile Kereke ea Oona ka mokhoa oo feela?

¹³⁷ Shebang tšimong ea Edene, Abele o tsebile joang hoba ke mali sebakeng sa apole? Oh! Le a bona? E senotsoe ka moea.

¹³⁸ 'Me, shebang, mehleng ea Jesu mona lefatšeng, O boletse, nako e kholo eo e monate mohla A buileng, "Ke le Mora motho batho ba re Ke mang?"

“Ba bang ba bona ba itse, khele, U ‘Moshe,’ kapa U ‘Jeremia,’ kapa ‘e mong oa baporofeta.”

¹³⁹ O itse, “Empa Ke—Ke toba ntlha ka kotlolohlo. Lona nahana’ng ka Eona? Ua bona? E seng seo motho e mong a se buang joale, empa ke batla ho tseba seo le se nahangan ka Eona?”

¹⁴⁰ ’Me ke mohla Petrose a ne a bua ’me a re, “U Kreste, Mora Molimo o phelang.”

Joale shebang kamoo A e qotsitseng kateng.

¹⁴¹ Joale, re a tseba hore kereke ea Katolike, hase le thonkha lona Makatolike, empa le itse O e hahile holim'a Petrose, e leng lefika le lenyenyan. “Holim'a lejoe lena Ke tla haha Kereke ea Ka. Likhoro tsa lihele li ke ke tsa E hlola.” Le a bona? Joale, haeba ho le joalo, joale kereke e ile ea kheloha. Le a bona? Joale, ka hona, haeba e ne e le joalo, e ne e hahiloe holim'a motho.

¹⁴² Joale, Protestanta e re O e hahile holim'a Hae, e ne e le Lejoesehlooho la Sekhutlo, Lefika. ’Me, hoo, ’Nete e ngata e teng ho eona.

¹⁴³ Empa e re ke rothetse lethoana ka mono, feela—feela ho e ngomela ka thata nakoana. Ke tlil'o banana le bobeli boo, ka ho bua sena, hore hase hore O ne a bua ka Eena, ka ho otloloha, empa ka setšoanelo O ne a bua ka Eena. ’Me ha A ka a hlola a kenyelelsa Petrose haese maipolelo a hae ka eona.

¹⁴⁴ Hobane, shebang seo A se buileng, “U lehlohonolo, Simone, mor'a Jonase, hoba ha se nama le mali tse u senoletseng hona. Ha u a ithuta eona ka boiphihlelo bo itseng ba seminari, kapa motho o u boleletse ka eona. Empa Ntate oa Ka ea Leholidong o u senoletsen sena.”

¹⁴⁵ Hape, ke tšenolo ea moea ea hore Jesu Kreste ke Mang. Ho joalo hantle. ’Me O itse, “Holim'a lejoe lena, holim'a tšenolo ea moea, Ke tla haha Kereke ea Ka.” E bontšitse hoba likhoro tsohle tsa lihele li tla ema khahlano le eona, empa li ke ke tsa e hlola. Le a bona? “Ke tla haha Kereke ea Ka, ’me likhoro tsa lihele li ke tsa hlola Kereke ena.”

¹⁴⁶ Ka hona, u a bona, Nohe o ne a tšoere tšenolo ea moea. Molimo o buile le eèna ka kotlolohlo. Abele . . .

¹⁴⁷ Mohla Kaine a hlasisang litholoana tsa tšimo, e le liapole le litholoana, le tse joalo, ’me a ntlatatsa aletare ea hae, ’me a re, “Molimo o tla amohela sena hobane ke entse tsena tsohle, ’me ka lokisa lialetare tse kholo. ’Me ke khabisitse. Ke e ntlaufalitse. Re theile kereke e kholohali motseng, kapa joalo. Molimo o tla e amohela, lebakeng lena.” Ha O amohela mosebetsi oa matsoho a motho ofe, topollong.

¹⁴⁸ Empa Abele a tlisa konyana ’me a nyehela mali, ’me Molimo oa paka hobane o ne a lokile. O e tsebile joang? Lentsoe le ne le sa ngoloa matsatsing ao. E ne e le tšenolo, le kajeno ho a tšoana.

¹⁴⁹ U re, “Be, ke setho sa kereke. Kereke ea ka e lokile hakaalo ka kereke ea hau. Bobeli li entsoe ka mohaho oa mofuta o tšoanang, thepa ea mofuta o tšoanang.” Ke hantle. Moaho ha o amane le eona ka letho.

¹⁵⁰ Mokhatlo ke seholpha se kopaneng sa banna, ho rala melao-e-shome ea seo ba se emelang, ’me ke ho fela. Ha ho letho khahlano le hoo, ho itoketse, empa ha se seo ke buang ka sona. Le apara liaparo tsa mofuta o tšoanang, mohlomong, haeba li lokile, seo balumeli ba bang ba eeng ba se etse, ’me le joale ha e phethise.

¹⁵¹ Empa joale shebang mona. Seo e leng sona, ke tšenolo ea moea ea Lentsoe la Molimo. Hoo, ntho e ’ngoe le e ’ngoe e phoso kantle ho Lentsoe leo, ’me u a Le lumela. E ne e le Lentsoe, ’me ke Lentsoe, ’me O tla lula e le Lentsoe le kamehla. ’Me ha Molimo a ka bula mochoporo oo, ke moo A ka phallang ka bolokolohi feela ’meleng oo o halalelitsoeng.

¹⁵² Joale, joale, joale re hlokomba holane u ne u le letsatsing leo, u ne u tla amahamngoa le seholpha sefe; ’moho le moporofeta, ka Lentsoe le netefalitsoeng, leha koana ba ne ba le palo e nyenyane? Kapa, u be ’moho le batho ba mohopolo o tummeng? “Be, kea u bolella, kea lumela monna eo o a hlanya.” ’Me tsela feela eo u neng o ka tseba hore o ne a sa hlanye ke ka ’ona Molimo oo ho u senolela seo O se senoletseng Moshe.

¹⁵³ ’Me mokhoa o le mong ho rōna ho fetoha litšoantšo tsa Molimo, le bara ba Molimo, ke hore Molimo o re senolele, le ho Itlhalosa ka Lentsoe la Hae, ho rona, le rona ho lefatše. Ke ’ona feela mochoporo. Hoba, Kreste e ne e le Setšoantšo mona lefatšeng, seo u ka se bonang, Molimo ka ho Motho, Setšoantšo sa Molimo se bonahalitsoeng, hobane Molimo o no o le ka ho Eena hoo ba neng ba le Bang. ’Me joale mohla Kreste a neng a tloha, O halalelitse Kereke, hore Kereke e tle e nke sebaka sa Hae le ho hhalosa Lentsoe la Molimo. Ua bona? E ka sebetsoa joalo feela. Oh, khili!

¹⁵⁴ Na u ne u tla ba ’moho le batho ba tummeng ba fupileng mohopolo o tummeng? “Ha feela ke le setho sa kereke!” ’Me mohlomong, “Hobane ke hobetse ka Moea, ke itoketse.” Mohlomong, “Hobane ke buile ka lipuo, ke itoketse.” Kapa mohlomong, “Re na le molisa ea lokileng, ’me ke itoketse.” Joale, lintho tseo li a tšepahala. Ha ke bue letho khahlano le seo. Ke ’neta.

¹⁵⁵ Empa leano lena la pholoso ke taba ea motho ka bomong le uena. Ho bua ka lipuo ke neo ea Molimo. Ho hobela ka Moea ke Boteng le Khanya ea Molimo. Empa hore uena u lumelle semelo sa hau ho bopeloa setšoantšong sa Molimo, hore O Itlhahisa ka Sebele, ’me u a—’me u sesēto sa Hae, se tsamaeang holim’ a lefatše, setšoantšo sa Hae se bonahalitsoeng.

¹⁵⁶ Joale, ana u be u ka ikemisetsa ho etsa joalo matsatsing a Nohe? Kapa na u ne u tla emela lehlakore le nyatsang, u nyatsa moprofeta le molaetsa oa hae 'moho o rometsoeng ke Molimo? Joale e nahaneng. Ke lehlakore lefe ha u nahana, maemong a hau a joale, leo u neng u ka le emela? Joale u tsepahale. [Moena Branham o a hohlela—Mohl.] (Ntšoareleng.) Ha ke hloke ho e bua. Uena, u tlameha ho e nahana, ka bo-uena.

¹⁵⁷ Kapa matsatsing a Elia, mohla a buileng ka ho lekana ka lifahleho tse takiloeng, 'me—'me mofumahali oa mehla ea joale oa hora, Jesebele eo, a lutse mono a thintšetsa hlooho ea monna oa hae—oa hae mokhoeng ofe oo a e batlileng ho ea teng? 'Me le haeba e ne e batlile kapa che, o e thintšitse, leha ho le joalo. 'Me bareri bohle ba lumellana, "Ho itoketse. Ua bona, ho itoketse, hobane mofumahali oa rōna!" Le a bona? 'Me kaofela ha bona ba oela temalang eo habonolo feela.

¹⁵⁸ Haeba e se papiso ea kajeno, ha ke eso e bone. Lintho tsena tsohle tse bosaoana tseo batho ba li etsang, 'me, leha ho le joalo, ka Lebitso la Kreste. Haeba A ne a le molato oa tseo tsohle? Ha A molato oa letho la eona. U tseba joang moo A . . .

Lentsoe le a e hhalosa. Ha re e saleng morao metsotsos e 'maloa re bone.

¹⁵⁹ Na u ne u ka ema lehlakoreng le mahlonoko? Na u ka lula tlase mono le Elia, u eme mono athe Elia o bonahetse e le eēna a inotši, 'me motho e mong le e mong a hopola e le motho oa khale ea rothofetseng kapa ho hong? Empa hoo ha ho a mo tšoenya ka lethonyana. O ne a tšoere Lentsoe. 'Me a tšoere Lentsoe, 'me a sa tšabe Lentsoe. A sa tšabe, ka Lona. Motho mang le mang ea tšoereng Molaetsa oa Molimo ha a tšabe letho. Ke hantle.

¹⁶⁰ Setefane e monyenyanee oa khale a ema ka pel'a Sanhedrine hoseng hoo, a re, "Khele, lona ba melala e thata, ba sa bollang lipelo le litsebe, le hanelā Moea o Halalelang kamehla. Joaloka bontata lōna, le lōna le joalo."

¹⁶¹ Bibele e boletse, "Sefahleho sa hae se ne se tšoana le Lengeloi." Ha ke lumele, e tšoana le leseli la motlakase kapa ho hong. Lengeloi le tseba moo le emeng teng. Lengeloi ha le tšabe letho. Ke Moromuo ea tsoang ho Molimo.

¹⁶² 'Me monna ofe ea tšoereng Molaetsa oa Molimo o tseba moo a emeng teng. Ha a tsotelle motho, seo ba se buang ka Oona. Ha ho libishopo kapa letho le mo theselakang. O tseba hantle moo a emeng teng, 'me ke phetho. Molimo o netefatsa Molaetsa oa hae le ho O paka o lokile, ka hona o ema le Oona hantle. O hloka tšabo. Seo ke setšoantšo sa Molimo se bonahalitsoeng.

¹⁶³ Ke seo Jesu a se entseng. O ne a sa tšabe ho re, "Oh, lōna Bafarisi ba lifofu, le a—le haha mabitla a baporofeta, athe ke lona le ba kentseng teng. Le bana ba ntata lona, liabolosi," le liarekabishopo le ntho e 'ngoe le e 'ngoe. O ne a sa tšabe, hobane O tsebile moo A neng a le teng. E.

Matsatsing a Elia, o ka be u ile oa nka lehlakore lefe?

¹⁶⁴ Kapa, matsatsing a Moshe, mohla Molaetsa oa Molimo o no o le teng, o nétefalistsoe ka ho hlaka, joale mamelang, semelo sa hau sa joale (U re, “Ke Mokreste.” Ho lokile.), Ke tla le botsa feela: Semelo sa hau sa joale, u ka be u ile ua ema kae? Mohla, Dathane a hlahang a re, “Joale bea butle motsotso. Banna ba halalelang ba bangata mona kantle ho uena, Moshe. Re tla fumana seholpha sa banna ‘me re etse taba e kholo mona. ‘Me ntho ea pele le a tseba, re tla fumana libishopo le liarekabishopo, le ntho eohle esele, tikolohong ena. ‘Me Molimo o ka ho batho ba Oona, ntho eohle. Le se hopole e le lona feela naleli e pel’ a khoeli.” Mohla, Dathane a neng a eme mono, ho re, “Lona batho ting ha le nahane taba eo? Monna eo o ikimetsa ka lintho tse ngata matsohong a hae. O ntse a leka, ho re bolella seo re lokelang ho se etsa. Khele, bongateng ba—ba bongata keletso e teng, ho na le—ho na le polokeho. Khele, bohole re tlameha ho kopana ho rarolla ntho ena.” Empa Molaetsa oa Molimo o ne o le teng, o nétefalistse Molaetsa oa hae.

¹⁶⁵ Ha re a tlameha ho botsa motho ka Molaetsa ona oo re o rerang. O ngotsoe mona Bibeleng, ‘me Molimo o E paka e lokile. Ka hona hobaneng u tlameha ho tsoa le ho re, “Joale, lona Katolike, re lokela ho etsa’ng ka sena? Re tla ingolisa le e—e Konfederasi ea Likereke. Re tla fumana. Re tla kopana le baena bao le ho bona kamoo ba hahileng lihlopha tsa bona tse kholo.” Rona batho ba pentekosta ha re hloke hoo. Ha re hloke ho ingolisa Mokhatlong oa Likereke tsa Lefatše. Re hloka ho ingolisa le seholpha sa Lehlimo, matla a pentekosta, ho phahamisoa le ho nyolleoa libakeng tsa Lehlimo. Ha re hloke lintho tseo.

¹⁶⁶ Empa, u a bona, u ka be u khethile lehlakore lefe, ka semelo sa hau sa joale, hola Dathane a ema a rialo, ‘me le eme mono nakong eo? Ana u ka be u ile oa itšoarella molaetseng oa Molimo le moromuo, ‘me oa lula le ‘ona, ‘me oa netefatsoa ka ho hlaka hore ke ‘Nete? Kapa, ana u ka be o ile oa nka lipampiri tsa hau—tsa hau ‘me oa ea ngolisa seholpheng se seng? Oh, hoo ke... le a bona, nahanang feela ka eona.

¹⁶⁷ Athé bohole ba bonahetse ba eme khahlano le Molaetsa oa Molimo o nétefalistsoeng le moromuo oa mongoaha oo, mathata a hloele manolo ka nqa Moshe. Ntho e ’ngoe le e ’ngoe e ne e tlohole, ea ka Molimo o mo hlobohile. Empa ba se ba bone Molimo o etsa ho hong. Ba tsebile Molimo o ahile ka ho eona.

¹⁶⁸ Joale, kapa, matsatsing a Kreste... Re tla potlaka. Matsatsing a Kreste, u ka be u ile oa nka lehlakore lefe, mohla likereke tsohle tse khōlō le baithuti ba tsona ba thutabomolimo ea sejoale le mesuoe e emang khahlano le Eēna le melao ea Hae, le Thuto e iphotlileng ea Lengolo? Ba ne ba le khahlano le Eona. Ha kereke ea hau eo u e kenang e itse, “Thaka leo ke lehlanya. Be, ha aa tsoa likolesheng tsa rona. Ha re na rekoto ea hae ea

hobane o kene likolo tsa rona. Ha a na setlankana sa botho. Ha a jara litšoanelo tsa letho. Ka baka leo, thaka leo le a hlanya. Le se ke la amana le hoo ka letho,” u ka be u entse’ng boemong ba hau ba joale? E botse motsotsa feela. Ho lokile. U ka be u entse’ng? Haeba A . . .

¹⁶⁹ Holane u phetse letsatsing leo, ‘me u le setho sa e—e—e Sanhedrine, ‘me hoo batla ho itšoanelo le e—e Mokhatlo oa Likereke tsa Lefatše. ‘Me kereke ea hau e ne e amana le hoo, ‘me ba ka be ba ile ba nka lintho tsena tsohle. ‘Me Monna enoa a hlaha, ‘me le ‘Mone a etsa mesebetsi ea Molimo, ‘me ho se motho ea ka Mo hanyetsang. Koana, O ne a tlamehile e be e le “Monna ea hlanyang, Ea fapanan hlooho.” E ne e le . . .

¹⁷⁰ Molimo o ntšoarele ka polelo ena, empa E ne e le e mong oa “bailoa” ba letsatsi leo. Le a bona, ke etsa seo hore le tle le utloisise.

¹⁷¹ Hobaneng? O ne a tsoetsoe-se-Leholimo. Semelo sa hae se ne se le Holimo. Ha e a—ha e a lumellana le selekane sa lefatše lena. Le a bona? E ne e se motho oa mofuta oo. E ne e tla ema kae athe moithuti oa thutabomolimo bohole, baruti bohole, ba re, “Monna enoa o tsoa kae? Ebile ha re tsebe moo A tsoang teng”?

¹⁷² Mohla A ne a folisa monna oa sefolu, ba itse, “Khele, ha re tsebe moo Monna enoa a tsoang teng. Lebisa tlota ho Molimo. Ha re tsebe letho ka Monna enoa. O tsoa kae? Ha re—ha re na rekoto ea Hae. Ha A fumanoe tsamaisong ea rona. Ha A lula lekholteng la rona la balaoli, Ha A—A—A eo kae kapa kae. Ha ho mang oa bona ea tsebang letho ka Eena. O tsoile kae?”

¹⁷³ Monna oa sefolu a re, “Ho a makatsa, hore Monna a ka bula mahlo a ka, koana ha le tsebe moo A tsoang teng. ‘Me le loketse ho ba baetapele ba letsatsi lena.” Ee. O itse, “Joale, leha ekaba ke moetsalibe kapa che, nke ke ka bolela seo. Ha ke setsebi sa thuto ea bolumeli. Empa ke tseba ntho e le ’ngoe: ke ne ke foufetse, joale kea bona.” Ke eona. Ke sona se bohloko. O ne a batla pono. Ee.

¹⁷⁴ Ka tsela, mehleng eohle, baruti bohole ba Bibebe ba ne ba le khahlano le Eena le Lentsoe la Hae la ‘nete le tsoang ho Molimo. U a lumela hore O ne a tiile motheong, ha ke re, thutong ea Hae? Empa e seng ho latela likolo tsa bona. Na e kile ea thophothela? Re tsebile joang hoba O ne a lutse motheong? O ba botsitse, “Ke mang ea ka Nkholisang ka sebe? Batlisang Mangolo. Ke Oona a Mpakang. A le bolella hantle. Joale, haeba ke sa etse seo Lengolo le se bolelang, Ntate a sa e netefatse ka ‘Na, le ka Ntahlela kantle; Ke phoso.” E, monghali. Joale, re ba fumana ba ne ba eme khahlano le Hoo, Lentsoe la ‘nete la Molimo.

¹⁷⁵ Oh, ana maemo a hau a joale a ka iketsa setlama le Eena, kapa ‘moho le sekhakhatha seo se foufetseng sa Bafarisi? Na boemo ba hau ba joale, na u ka itšoarella nthong ea hau—litumeloana tsa lona tsa kereke ea lona? Na u ka e tiisetza hobane

molisa oa hau, mohlomong, u ka re, "Be, ke monna ea lokileng"? E ka ba monna ea lokileng 'me a ntse a foufetse. Ruri. Na Jesu ha a re, "Lona baetapele ba lifofu"?

¹⁷⁶ Joale, maemo a hau, nahana feela joale, u ne u tla etsa'ng? O etsoa setlama kae har'a letšoele mono? Maemo a hau a joale ke afe? Na u be u ka ema le Mofarisi, "Be, kea u bolella, 'mè e ne e le setho sa kereke *ena*, 'me hoo ho lokile joaloka efe ea tsona. Ke tla itulela mona feela"? Le a bona?

¹⁷⁷ 'Me haeba u bone Lentsoe la Molimo le netefatsoa, Ke 'Nete, ka moromuo, 'me le batlisise Mangolo 'me le E tsebile. Empa bolumeli ba hau—ba hau bo itse, "Matsatsi a mehlolo a fetile. Ntho e joalo ha e eo." Joale, u ne u tla etsa'ng boemong ba hau ba joale? Bongata ba lona le e pepesitse.

¹⁷⁸ Haeba u ka re pelong ea hau joale, "Che, nke ke ka ema le Bafarisi bao. Nke ke ka etsoa setlama le bona," joale ho ka thoeng ka hona joale? Lengolo le re esale Eena maobane, kajeno, le kamehla. Ho ka thoeng joale? U re, "Nke ke ka etsoa setlama le Bafarisi bao." Ho ka thoeng ka hona joale? Ua tseba, nalane ea ipheta. Ke khaotse sekhechana pampiring, tsatsi le leng, tabeng eo. Bafarisi ba letsatsi leo ba ile ba ema khahlano le Eèna, ka baka la leeme. Le kajeno ba etsa hona hoo.

¹⁷⁹ Hopolang, Nikodema o buile hona hoo. A re, "Rabbi, rea tseba U moruti ea tsoang ho Molimo."

¹⁸⁰ Empa kahobane litumeloana tsa bona le liphutheho tse hlophiloeng li sa amohele Molaetsa oa Hae, eaba ba hanela motho e mong. O itse, "Lona ha le kene, ka bolona, 'me le hanela ba bang ho kena." Le a bona? Maemo a makakang! Kea ipotsa re ne re tla iketsa setlama le ntho e kang eo?

¹⁸¹ Haeba le ne le ka Mo sala morao ho bona mehlolo ea Hae feelsa, joaloka ha bongata bo entse, 'me o Mo latetse kajeno ka har'a kereke, ho bona mehlolo ea Hae feelsa le ho itulela hohle. Empa ho theola letsoho la hau, ho amohele Moea o Halalelang, ka bo-uena, u ke ke oa e etsa. Ba ke ke ba e etsa. Ba bangata ba Mo latetse ka baka la mehlolo ea Hae feelsa, ho e bona. Empa eitse ha A lula fatše Thutong ea 'nete ea Lengolo, bongata ba Mo furalla.

¹⁸² Athe, ba 'Mone a folisa bakuli le ho tutubolla mahlo. 'Me motho a ka ama seaparo sa Hae, 'me A retolohe, a ba bolelle lintho tseo. Le ho bolella Filipi le Nathanaele, le bana bohle, lintho tseo. Khele, mosali selibeng, le lintho tsena tsohle, hore O Itsebahalitse e le—e le moporofeta eo Moshe a buileng ka eena, Kreste, Messia. Athe ba hlökile moporofeta lilemo tse makholo a mane, eaba temeng ho kena Jesu enoa, a paka hore E ne e le eena, le a bona, hore E ne e le Messia.

¹⁸³ Bongata ba bona bo ne bo Mo latetse hobane, mokhekhetong oa pele oa tšebetso ea Hae, O tlohile kerekeng ho ea kerekeng. Oh, ba Mo amohefse ka thabo, 'me ba Mo otlollela

letsoho le leholo. "Oh, Rabbi, oh, U mothaka e moholo!" Empa ka tsatsi le leng A lula fatše ka 'Nete ea Mangolo. 'Me eare ha A Itsebahatsa, e seng joaloka Mofolisi feela, empa joaloka *ea-romiloeng-ke Molimo*, ka 'Nete le Bophelo, mohla A ne a Itsebahatsa ho Seo, oh, E ne e le khahlano le moetlo oa bona, esita le ho bongata bo Mo latetseng.

¹⁸⁴ Ba mashome a supileng ba ile ba furalla. U ne u tla etsa'ng? Joale, nahana ka eona. Athe, Monna eo le 'mone a etsa tsona lipontšo tsa Messia, 'me ha tsebjoa hoba Messia o a tla, 'me O porofetile sena sohle se tla hlaha, esita le ho isa ho Johanne le bao, 'me O ne a e hhalositse, ka ho hlaka, 'me eaba le Mo sala morao la bona pontšo e khôlô ea Messia, ho paka hore ha ho le ea mong oa balisa ea ka hannelang Molaetsa, ho hang, 'me hape, hang feela, O a fihla 'me o ruta ntho e itseng eo e leng Lentsoe la Molimo hantle, empa khahlano le kamoo u rutiloeng, ka hona, na u ka tiisetcta moetlo oa hau? Na u ka tsamaea le ba mashome a supileng? Oh, Lengolo, Lentsoe le iphotlileng! Na u ne u ka tsamaea le ba mashome a supileng?

¹⁸⁵ Kapa—kapa, na u ka bona boitsebiso ba hau joale, moo u nong u tla ema teng? Joale nahananang ka botebo, ka botšepehi. U ne u tla ema kae joale, ka maemo a hau a joale? Kae, u ne u tla iketsa setlama le sehlopha sefe, mono? Kapa, na u ka iketsa setlama, ka potlako feela joale, na u ka iketsa setlama le hoo?

¹⁸⁶ Ke tlil'o bua le bana mona, bacha. Na u ka iketsa setlama kajeno, mocha, joaloka molumeli oa maipolelo, joaloka mohlankana oa morui, papiso ea Elvis Presley e ratang menate ea lefatše ho feta ho rata ho sala Kreste morao? Na u ka iketsa setlama le sehlopha sena sa letsatsi la joale, 'me, ha re re, be, joaloka Mongh. Presley enoa? Kamoo ke utloisisang, ke Mopentekosta. 'Me Mopentekosta, ho tsoa le ho itšoara joalo, ke Mopentekosta feela ka lebitso. Ho 'na, ke Judase e mong.

¹⁸⁷ Pat Boone le batho bao ba itlalehang e le barapeli, le li-rock-and-rolls le twisti, le mahlapa a lefatše, le ho itlaleha Bokreste. Khele, ke lihlong. Ho hobe ho feta lenoajoala. Ho hobe ho feta—ho feta seotsoa seterateng. Molimo o tla hlompha seotsoa ho feta seo.

¹⁸⁸ Ernie Ford le bao ba ema bosiu bohole, little tseña le ntho eohle, le ho tsoella, ba hakile basali ka matsoho, bao ba chachehisa nama le ntho e 'ngoe le e 'ngoe, 'me ba nto tsoa ba bina lifela. Ke mohla u rekileng ka litšoanelo tsa tsoalo ea hau. U ka iketsa setlama joang?

¹⁸⁹ Mocha eo o ne a e-na le... E ne e le monna oa morui. A e-na le monyetla. Eèna, ekaba e ne e le eèna, rakhoebo oa Mokreste, hape. [Sekheo lebanteng—Mohl.]... kereke.

¹⁹⁰ Joale, mocha, u ne u tla etsa'ng ka eona? Athe, u leka ho etsisa Marilyn Monroe kapa ba bang ba bona, kapa basali ba bang ba kang mofumahali oa pele oa na, ka boitšoaro bona bohole mona

ba mefuta eohle, le ho kuta moriri hona, le—le ho tlola littolo sefahlehong, le mesese ena e tlenyang, e chachehisang nama. 'Me —'me lona banna, le ba lumella ho e etsa!

¹⁹¹ 'Me lona balisa ba se nang sebete sa ho e khalema sefaleng, hape! Hantle. Huh! Ke hantle. Yaa. Ke hantle. [Phutheho e opa liatla—Mohl.] Joale, motsotsa feela. Mamelang. Ke hantle.

¹⁹² Empa hangata u fumana balisa ba abiloeng-se-Molimo ba tla e khalemela, 'me u ntse o hana ho tsepama le Lentsoe. Joale mame lang, re a fumana, ho nka, ho nka tsela ese le, hape. [Phutheho e opa liatla—Mohl.] Ke hantle. Ke behile eng ka pela lona? "Oh," ho re, "bona . . ." Ke tseba hantle ho feta moo. Ke fetile, ka bona, Phoenix, lilemo tse leshome le metso e mehlano tse fetileng, 'me e shebahala joalo ka mehleng, e ntse e mpefala le ho feta. Kahoo le se ke la qosa molisa kahohle. Uh-huh. Ha re reng feela bohole re molato, le ho ema holimo mono le ho icheba ka galase. Yaa.

¹⁹³ Bacha, le reng ka taba eo? Le rata lithoriso tsa batho bao ho feta kamoo le ratang e—e memo eo le e filoeng, ho bopella semelo sa hau setšoantšong sa Mora Molimo? Ho ka thoeng ka eona? Re ka e khona joang? Oh, khili! Na u ka ipona u ikentse setlama, u ratehe? Ho ka thoeng ka . . .

¹⁹⁴ Joale, ke theohela hae haufi ho feta joale. Ho ka thoeng ka lona Mapentekosta le tsebang hantle ho feta? Ke hantle. U tseba hantle ho feta moo. U tseba hantle ho feta moo.

¹⁹⁵ Ka hona, le hopole boitsebiso bona ba ho qetela ba mohlankana oa morui. O ne a le liheleng, a shebile monna ea phetseng hantle, a kopa metsi. Empa o ne a tšetse khohlo e khōlō eo a sa ka a amohela setšoanelo sa Molimo ho mo khutlisa. 'Me e ne e le eo, 'me o sa le moo bosiusing bona, 'me o tla lula teng kamehla. Ho lokile. Ke boitsebiso ba hae ba ho qetela.

¹⁹⁶ Ka baka leo, u se ke oa iketsa setlama le mofumahali motabo ea itseng ea tummeng. Kapa, u se ke ua iketsa setlama le Elvis Presley e mong enoa ea hlooho-e-motsitsa, ea itšoarang kantle mona ka li-rock-and-roll ea lona le twisti, le ho ipitsa Mokreste; kapa Pat Boone, hobane u na le katara 'me u ka ema o itšoere bosaoana ka eona.

E re Kreste a Ikhalmise ka ho uena. Ke hantle.

¹⁹⁷ Mapentekosta, kajeno, ba furalla Lentsoe la Molimo.

¹⁹⁸ Na u iketsa setlama le sehlopha sa Judase? Hopola, Judase o kile a tsoa, ho tsamaea le Eena. Joale, haeba e thonkha, ha ke a ikemisetsa ho hlabe hisa, empa ke ikemiselitse ho nyatha ka thata ruri. Ua bona? Yaa. Judase o ne a qale ka leoto le nepahetseng. A tsoa, ho tsamaea le Eena. Empa mohla a tlamehang ho ba . . . ho tšoara cheletana matsohong a hae! Uh-huh.

¹⁹⁹ Ke a ipotsa haeba taba eo e ka lebisoa ho Pentekosta na? Eitse ha re tloha k'honeng ea seterata, le ho tsoa mishoneng o

monyenyane lipakeng tsa mehaho, eaba re fumana cheletenyana. 'Me kea ipotsa hore na leeto la rona ha le eso sothehe hanyenyane. Eitseha re fumana sehlopha sa . . . Mohlomong mono ho kena sehlopha sa batho, se re, "Oh, be, *sena*," ho bua ka litho. Kajeno, sohle seo u se batlang ke litho, litho.

²⁰⁰ Molimo ha o shebe litho. O ntse o tsoma semelo, A tle a behe Lentsoe la Hae mothong ea tlang ho lumela ho Eèna. Joalokaha ke buile, bosiu bo bong, Eliezare o ile a fufuleloa ho fihlela a fumane semelo sa monyaluoa. Eaba o tlameha ho mo emisa tsi, ho mo apesa ka tšoanelo, ho khahlana le eo ba buang ka eèna. Ua bona? Khele, ha u fumana semelo, u ke ke ua ba apesa ka tšoanelo. Ha ba khone . . . Um-hum. Ho lokile.

²⁰¹ Lemohang joale, Pentekosta ea sejoale. Joale, joale, re qoqile le Presbeteriene, Katolike, empa joale ke tlil'o bua ka Mapentekosta joale, hobane re tla mona ho bapisa ho hong. Le a bona? Pentekosta, na ha se mohlolo, ho re, Mapentekosta mongoaheng ona oa sejoale hore Bibele e o lepa o tla tšoana le Laodisea? Laodisea. Ho na le mosuoe oa Mogerike ea lutseng mona, ea 'mametseng. *Laodisea* e bolela "mosali." Laodisea ke lebitso la mosali, ka Segerike. Ha ho kereke e 'ngoe e emetsoeng ke lebitso leo. Empa joale ke mosali, Jesebele. Ke hantle. "'Me re ruile. Ha re hloke letho.' Empa ha re tsebe hobane re "feela, sefov, malimabe," re tsoile Tseleng. Re entse'ng? Re thonakile matlotlo a mang, mohlomong, joaloka Judase ha a entse, u a bona, ha re sa hlola re tsamaea le Lona hape. Ho ithekisa, ho ithuisa, batho ba bangata hakana ba etsa joalo. Malumeli a mangata a qeka ka Lentsoe, ho itholla litho tse ngata, ho ithusa; ho etsa eng le eng.

²⁰² E re molisa e mong a kene sechabeng 'me a hahe mosebetsi o motle. 'Me ebe ba tšoara kopano, kopano ea kakaretso nqa e 'ngoe, 'me ba ntša thaka leo, le ho nka Ricky e monyenyane oa phoofolo ea lapeng le ho mo kenya ka mono, 'me e qhala linku feela. Haeba Molimo o kenya motho ka mono . . . Empa, oh, ba etsa hoo ka har'a liboka, hangata; ho khetha, ho leleka moena oa batho, ea hlileng a hahile mosebetsi. Hape, ha ba tsebe hore ba roba molala oa bona ka ho etsa joalo, le ho utloisa kereke bohloko.

²⁰³ Ho ithekisa, ka botumo, mohopolo oa boitšepo, ho rua, ho ithuisa, likereke tse khōlō, mekhatlo e meholo ea malumeli. "Sehlopha sa rona se fetisa sa lona ka boholo." Oh, ke eona tsela. Mabaptise a kile a etsa lepetjo, "Milione o mong ka '44." Empa le fumane eng?

²⁰⁴ Ke buile, bosiu bo bong, "Maipolelo; majoe ke maipolelo." Lejoe le thusa'ng kantle ho 'metli oa lejoe ka Sabole e bohale e leolitsoeng ka nqa tse peli ea Molimo, ho ba bopella le ho ba betla ho ba bara le barali ba Molimo? Ee.

²⁰⁵ Judase o ile a etsa'ng? O ile a etsa'ng? Le hopola boemo ba hae ba ho qetela. Oh, o entseng? O ile a belaela lipolelo tsa Kreste, hoba a qale ho tsamaea le Eena. Mapentekosta, le se etse joalo le ka mohla. Borakhoebo, le se etse joalo le ka mohla. Le se belaele maipolelo a Hae. Esale Eena maobane, kajeno, le kamehla. Judase o belaetse maipolelo a Hae, 'me a tuma haholo 'me a E rekisa. Semelo sa Judase se entse hore a Mo rekise, ho basomi ba Hae.

²⁰⁶ 'Me kajeno ho etsahala hona hoo. Hangata semelo seo re itlohellang ho bopella ho sona, se re rekisa, lipelaelong tsa lefatše, ho batho ba ka sehollang. Eona ntho eo Pentekosta e tsoileng ho eona, e khutlela ho eona hape, ba batla ba tletse selefatše kamoo ba neng ba le kateng pele. Le a bona? Ke eng? Re sitoa ho lumella Bophelo ba Hae ho halimisoa ka ho rōna.

²⁰⁷ Kapa, na u iphihlela u entsoe setlama le barutuoa ba Hae ba makhonthe? Amen. Ke hona moo re batlang ho ba teng, ho tšepahala ho Eena, ho tšepahala Lentsoeng la Hae. Ho ema, pontšeng ea basomi! Amen. Na ke hona moo u iphumanang u iponahalitse teng bosiung bona? Ho lebohuoe Morena. Amen. Ho lumella Bophelo ba Kreste ho phalla ka ho bona! E, monghali. Ba ne ba halalelitsoe ke ho tla ha Hae. 'Me monna oa moetsalibe, holim'a maipolelo... 'Me khalaletso e ne e ba hloekisitse, 'me lipelo tsa bona li ne li tsepame hakana ho Molimo hofihlela Kreste a Itšetse ka ho bona le ho halimisa Boteng ba Hae ho lefatše. Pontšeng ea basomi, ba ema joaloka ha A entse. Ba ema ka botšepehi Lentsoeng, esitile e mong a itse, "U nqophella ho ba Mokreste," e mong oa ba habo... basomi.

²⁰⁸ Na u ka iketsa setlama le Petrose ka Letsatsi la Pentekosta? Na u ka iketsa setlama mono ho Liketso 2?

²⁰⁹ Moo, batho ba reng, kajeno, "Moea o Halalelang o filoe baapostola ba leshome le metso e 'meli feela."

²¹⁰ Na u ka iketsa setlama le Petrose, mohla a reng, "Bakang, e mong le e mong oa lōna, le kolobeletsoe ka Lebitso la Jesu Kreste tšoarelong ea libe tsa lōna, 'me le tla nka neo ea Moea o Halalelang. Hobane pallo e etselitsoe lona, le bana ba lona, le ba leng hole kaofela, bao Morena Molimo oa rōna a tlang ho ba bitsa"? Oona Moea o Halalelang ona!

²¹¹ Na u iketsa setlama le eēna mono ka letsatsi leo? "Ke ema le uena, Petrose. Ee, monghali. Holim'a lithuto tsa hau tsa motheo tsa Lengolo, ke ema mono. Ke batla hore bophelo ba ka bo halimise Lengolo, joalokaha ba hau bo entse mono, mohla likeke tse tharo li neng li hlajoa lipelong tsa bona."

²¹² Mohla ba boneng sebete sa bona, matsatsi a 'maloa ka morao ho moo, ba tseba hobane ba tsamaile le Jesu. Ba ne ba tšoere Lentsoe, 'me ba tsebile hore Lentsoe le ne le phela hantle ka bona. 'Me ba tšabile ho hlophana le Lentsoe leo la Molimo,

hobane ba ne ba emetse Lentsoe leo, ka bophelo bo bokaale, hoo Molimo o nong o ka Ikhalmisa ka bona.

²¹³ Ho bolella monna, “Silifera le gauta ha ke na tsona. Ha ke na meaho e meholo le lintho tse kholo. Seo ke nang le sona, ke tla u nea sona. Ka Lebitso la Jesu Kreste, ema ka maoto a hau.” “Seo ke nang le sona!” O ne a tlamehile ho fumana ntho pele a ka e aba. Amen. Oh, khili!

²¹⁴ Ho bona Lentsoe e le lona kamehla le mehla, moloko o mong le o mong, sohle seo Molimo o se bitsang se tla bona khalimiso.

²¹⁵ Kapa, ‘moho le Pauluse, mohla Demase ea tummeng, ea ratang lefatše a mo hlobohileng, bakeng sa Bokreste ba hae, bo bitsoang joalo, baena ba mohopolo o tummeng. Mohla Pauluse a emeng Lentsoeng, “Demase o mo lahlile, lerato . . . ka ho rata lefatše lena la joale.” Ho mo tlohela, hoba a ne a tsepahetse Lentsoeng. E ne e otlolohile haholo ho eena. Le ka tsamaea le mang, Demase, kapa le ka tsamaea le Pauluse na? Hlahlobang Lentsoe. O ka khetha lehlakore lefe boemong ba hau ba joale mehleng eo? Leha ho le joalo, e ne e le Bakreste ba maipolelo.

Pauluse o itse, “Batho bohle ba ntahlile.” Mothoana oa batho!

²¹⁶ Esale ke makalletse Dr. Ern Baxter. A re, “U a tseba, mohla ke fihlang Leholidong, ntho ea pele eo ke tlang ho e etsa?”

Ke itse, “Ke eng, Moena Erni?”

²¹⁷ O itse, “Ke tla nyolohela Demase ke mo jabela sefahleho ka matla a bokhoni ba ka.”

Ke itse, “Joale, Ern.”

²¹⁸ O itse, “Ke tla re, ‘Hobaneng u tlohetse Pauluse tlase mane joalo?’”

²¹⁹ Ka re, “Na u hlile u hopola a tla ba teng Mono, Ern?” Ka re, “Hlokomela takatso ea hau ea ho mo jabela sefahlehong.” Ke itse, “Ha ke batle ho ba moo a neng a le teng, mohlomong, le a bona, ho lokela ho etsa joalo.”

²²⁰ Joaloka ha molumeli a boletse, ho rialo ho ngoanana e monyenyan. O itse, “U lumela Bibele eo?”

O itse, “Ehlile.”

²²¹ O itse, “Ke kholoa u lumela pale eo ea Jonase, leruarua le koentseng Jonase.”

O itse, “Ehlile.”

O itse, “U tla e kholisa joang, ka mantsoe a mang ka tumelo?”

O itse, “Mohla ke fihlang Leholidong, ke tla botsa Jonase.” Ke hantle.

Ho re, “Ho ka thoeng ha Jonase a le sieo Mono?”

²²² Ho re, “Joale u tla ‘motsa.’” Ke kholoa e batalatsa taba eo. Ua bona? Ee, monghali. O tla tlameha ho mo botsa. Ka hona, u a bona, ke hona, hoo ho a e batalatsa.

²²³ Kea lumela, ka hona, haeba a tètse Pauluse ‘me a tètse Lentsoe, o entse sona seo Judase a se entseng. Ee, monghali. Le ne le tla nka lehlakore lefe, sebakeng seo? Joale mamelang, Mapentekosta. Le ne le tla nka lehlakore lefe? Esale ke ruthutha Mapresbeteriene ana, le ba joalo, joale u ne u tla nka’ng? U ne u tla nka lehlakore lefe mona?

²²⁴ Kapa, e re ke u botse ntho e ‘ngoe hape. Taba ena e ka hlabevisa nakoana, empa ke batla ho u botsa taba. Mohla, khang e hlabileng kahar’ a kereke ea Korinthe, mabapi le bareri ba basali; le ho poma moriri oa bona, basali. ‘Me khang ea hlaha, ‘me Pauluse a nka maemo, ho re, “Ha ba lokela ho etsoa bareri.” Pauluse o ne a nke maemo, ho re, “Mosali, ea kutang moriri oa hae, o tlolotse monna oa hae, ‘me ha a tlameha le ho bonoa a rapela pontseng” Eng, boemong ba hau ba joale, u ne u tla amohela khang efe? Joale sheba kahara galase. Nka mpa ka tlohela seo. Ke batla le shebe maemo a lona a joale. Ke karolo efe e entseng... Eng, kae? Eng, kae? U shebile hokae hona joale? U shebile eng?

²²⁵ Pauluse o ne a halimisa Kreste. Na le lumela seo? Ruri.

²²⁶ “Pauluse,” u re, “oh,” mosali o mpoleletse, ho re, “e ne e le mohloi oa khale oa mosali.”

²²⁷ Pauluse o boletse, le—le koana ho Bagalata 1:8, “Ekare ha Lengeloi le tsoang Leholimong le ka tla le rera ntho eseles ho ena, ho lona, le rohakoe.” Ke hantle. Ke hantle. Joale, seo . . .

²²⁸ U halimisa hokae joale? Uh-huh. U se ke ua nka lehlakore le tummeng. Nka lehlakore la Lentsoe. Uh-huh. Oh! Ee, monghali. “Ho mo hloboba.”

‘Me eare ha khang e hlaha, khele, Pauluse a ema.

‘Me ba ngotse, ba re, “Moea o Halalelang o re boleletse joalo.”

²²⁹ A re, “Eng? Ana Lentsoe la Molimo le tsoile ho lona, kapa na Le tsoile ho lona feela? Ekare ha motho a itekanya hoba ke motho oa moea kapa—kapa moporfeta, o tla tseba hoba lintho tseo ke li ngolang ke melao ea Morena.” E ne e le eng? O ne a tiiselitse Lentsoe. Amen.

²³⁰ Joale, u lula kae? Hoo ho ho uena joale. U fumane sebaka sa hau feela. Ho lokile. Ee, monghali.

²³¹ Pauluse o ne a eme mono, ka—ka . . . ho tsoa maemong a hae. Hopolang, Pauluse, ho etsa sena . . . Joale, emang. E re ke hlahise ho hong pele re tsamaea. Pauluse, pele a ka etsa sena, o ne a tlameha ho tela maemo a hae a holingoana ka kerekeng ea letsatsi la hae, ho lula le Lentsoe.

²³² Joale, haeba u shebile Pauluse, ho ka thoeng ka uena, athe kereke ea hau e ruta khahlano le Lona? Ho ka thoeng ka uena, molisa, moreri, phutheho? Ehlide.

²³³ O ile a etsa'ng? A tlameha ho nka malulo e le hore Peō ena e tle e mele, Peō ea Bophelo Bosafeleng. O ne a sa ema khahlano. O itse, "Esita le molao, o rialo." Ke hantle. O ne a sa... A tiisetla Lentsoe hantle. 'Me ho etsa hoo, a tlameha ho tlohela kereke ea hae ea molao, ho e etsa. Ho boloka Lentsoe la Bophelo le ntse le hola, a tlameha ho etsa sena.

²³⁴ Demase le ba bang bohole, ba re, "Oh, o ka hla 'na oa tla. Tsoelapele, Pauluse, ha u..."

²³⁵ Empa Pauluse a ema hantle mono ka Lentsoe leo. Mojuda eo oa batho, ea nko e khopo, ke batla ho 'mona ka Letsatsi leo. Ke batla ho ema mono, ke mo shebe ha a roala moqhaka oo oa moshoelatumelo mohla a nyolohang. Ke batla ho bona mono, le ho re, "Khanya! Alleluia! Pauluse!" Amen. Ee, monghali. "Ho lula Lentsoeng! Ke thabile, Pauluse." Ka hona, nthuse, Molimo. E re ke lule tulong eona eo. Ee, monghali. Ee.

²³⁶ Ponong eo ke e boneng nakoana e fetileng, ea batho bao holimo mono, ke botsitse potso. Le se balile ka har'a e—e digest, sengoloa sa Borakoebo. Ba re... Be, ke itse, "Na Pauluse o tlamehile joalo?"

O itse, "E, monghali."

²³⁷ Ke itse, "Ke ile ka ema holim'a Ntho e tšoanang le ea hae." E, monghali. Ho lula, ntho e tšoanang.

²³⁸ Moshe o ne a lokele ho theoha teroneng, ho nka Lentsoe la Molimo. A tēla terone. Ke hantle. E ne e le mojalefa oa terone. "Eaba o tēla menate ea ho fetoha Faro, hoba a khotsoe hobane sekhobo sa Kreste ke menono e fetisang matlotlo a Egepeta."

²³⁹ U re, "Be, kea u bolella. Basali bohole ba tla ntšeja. Banna ba tla nahana..." Ha ke tsotelle seo ba se nahananang. Ke hantle.

²⁴⁰ Pauluse o ile a inama. Moshe a inama a tloha teroneng. Ke ngotse mola oa bona fatše mona, e nka maqephe a mararo. Empa e re ke u bolelle taba, ho u thusa, ka potlako.

²⁴¹ Jesu a inama a tsoa Lehelimong, ho Ikhalmisa ka sebopreho sa nama ea sebe. ('Me uena u mang, kapa 'na ke mang?) Ho etsa hore... hore re etsetsa tsela ho halimisa Molimo, ho etsa tsela ea ho Ikhalmisa ka ho rona, ka ho re halalletsa Lentsoeng la Hae. Hoba Lentsoe la Hae lea bolella, hore, mohla A neng a etsa hoo, hore tle re halimise Lentsoe la Hae.

²⁴² Ho Johanne 14:12, O itse, "Ea lumelang ho 'Na, mesebetsi eo Ke e etsang o tla e etsa le eena." Hobaneng? E ne e le Kreste, halimisa. "Ho se ho se hokae 'me lefatše ha le sa tla Mpona. Koana, lona le tla Mpona, hoba Ke..." ("Ke," leemeli la motho.) "...ba le lona, le ka ho lona, le a bona, ho isa bofelong ba lefatše." Oh!

²⁴³ “Ekare ha e mong a Ntatela, a ke a itele. A latole tumeloana ea hae e entsoeng ke motho, a nke Bibele ea hae ’me a Ntatele.” Ke hantle. E, monghali.

²⁴⁴ Ka hona, u etsoa setlama kae-kae Lengolong. Ntle le pelaelo, ke tla tlameha ho koala. U etsoa setlama kae-kae ka Lengolong. U tseba seo. E mong le e mong oa rōna, re bona boitsebiso ba rōna.

²⁴⁵ Kereke, re ea ka mona e—e kopanong esale e reroa selemo. Likereke esale li rapela. Batho esale ba itima lijo. Ke tšolotse pelo ea ka, hara veke eohle, holimo-le-tlase phuleng ena, ho lepatsonyana ka leng le khutlo eo nka kenang ho eona, ho leka ka bokhoni ba ka ho le hlokamelisa ka ho Khutla ha Morena. ’Me ke rōna bana, pejana ho nako ena mona. ’Me joale ha re iponahatseng, ho fallela koo, ho bapisa, kapa ho halimisa Jesu Kreste.

²⁴⁶ Na re ka iketsa setlama le mokuto o mocha? Na re ka iketsa setlama le hore na re ka apara hantle hakae? Na re ka iketsa setlama le botumo boo re ka emang ka bona ra bua, re na le thuto e kae? Athe, Pauluse o boletse, lintho tseo, o ile a tlameha ho li lebala ho tseba Kreste.

²⁴⁷ Na re ntse re tsebahatsa pentekosta? Na re joalo? Eng, ebe re iphumana re halimisa kae?

²⁴⁸ Ebe re halimisa eng, le hona, haeba re fumana lerata le le ngata feela, re ka hooeletsa ra bapala, ra qhomela holimo-le-tlase? Oh, ke bone Mohammedane ba etsa hoo. Ke bone litšoene li etsa joalo.

²⁴⁹ Ha ho tlhahiso! Ha ke rialo, ho soasoa. Sena ha se sebaka sa motlae. Lena ke Lentsoe la Molimo. Ua bona?

²⁵⁰ Empa ke bone liphoofofolo li tlolaka, li bapala, mebutla. Hoo ha ho bolele letho. Ruri lekhale. U thabile. Ntho efe e ka u thabiso, ho se hokae. Ke bone baetsalibe ba tahiloe haholo, ’me ba thabile haholo! Ruri. Hoo ha ho bolele letho.

²⁵¹ Empa thabo eo e tsoa hokae? Mohlolli ke eng? E u hlahisetsa boitšoaro bofe? Ebe e bontša eng? Motho e mong o tla hana Lentsoe la Molimo; motho e mong o tla phela lefatšeng; e mong o tla utloa ’Nete ’me a tlohe ho Eona; ho rekisa litokelo tsa bona tsa tsoalo, bakeng sa ntho e ’ngoe?

²⁵² Oh, Molimo o re thusé, moena, khaitseli, re thusé ho khutla le ho lumella Kreste ho Ikhaliroma, hape, ka ho rōna, ka mokhoa oo. Oh, khili! Molimo o re thusé ho etsoa setlama ka ho Eèna, hakana, hoo Lentsoe la Hae le Boteng ba Hae la ka phallang ka rōna, ho Iponahatsa ho lefatše, amen, etsoe re tla tobana le eona.

²⁵³ Tlhaloso e ’ngoe hape, kea koala. Mamelang ka hloko. Sefuthi sa gauta se eme joale se le malala-a-laotsoe.

²⁵⁴ Le a tseba, mahakoe a fumanoa lefatšeng, lithepa tseo re li teang ’moho. Empa, u a tseba, ha u fumana ka mono, ntho e

tsoakiloeng le lona, sekaqa seo u se fumaneng se tla ngamoha. Lehlaahlela ha le matla ho feta lehokelo le fokolang ka ho fetisisa.

²⁵⁵ Ka hona, haeba u leka ho ba lejoe le khephotoseng ho Molimo, thepa ea mofuta, 'me u iphihlela u leka ho iphamissa haholo, 'me lipakeng mono u ile ua tlameha ho sotetsa lefatše le itseng, lejoe leo le tla le pshatleha. Le ke ke la mamella teko. 'Me, mamelang, Molimo o ke ke ke oa re amohela, batho ba Pentekosta, ha re entela litšomo le ntho eohle Lentsoeng la Molimo. E tla... Molimo o tla hana lejoe 'me a le lahlele ka thoko. Re se ke ra batla lintho tse kholo.

Ha re batleng Kreste bophelong ba rōna. Ha re batleng boikokobetso. Ua bona?

²⁵⁶ Hopolang, haeba lejoe le le leholo, 'me u leka ho sarolla, ke tsabang hore re leka ho etsa hoo. Ke eona puisano eo ke e tšoarang le Borakhoebo bana. Ekare ba hola ho feta ho hong. 'Me ke—ke... Lebaka leo ke sa batleng ho... Ke—ke—ke rata ho tsepahala ho lona, baena. Ke tlameha ho kopana le lona koana Kahlolong tsatsi le leng. Lebaka leo kereke e nkhopolang ke le khahlano le kereke. Ha ke khahlano le kereke. Ke a...

²⁵⁷ Hobane'ng nka iketsa setlama mona le lōna? Hola ke ne hopotse Baptise e nepile, Methodise e nepile, Presbeteriene e nepile, nka ba le bona. Ke na le lona mona hobane ke iketsa setlama le lona mona.

²⁵⁸ Empa u se leke ho tlabola meedi ea hau joale, ho ba seo u sang sona. U se leke ho iketsa ntho e khōlō, ho ipapisa le motho e mong, le ho sebetsa ka mokhoa oa lefatše ka mono, ho itholla litho tse ngatanyana le lintho. Ntho eo e tla robeha likoto tse peli hantle, 'me Molimo o tla e lahlela qubung ka koana, ho bopelloa bocha.

²⁵⁹ O tla hlahisetsa Abrahama bana, ka majoe ana a mang. Ke hantle. O tla e etsa. O tla nka Presbeteriene, ho ntša ho hong ho eona; Methodise, kapa Baptise. 'Me ekare O qalile joalo.

²⁶⁰ Na le a nkutloa, Borakhoebo? [Phutheho e re, "Amen."—Mohl.] Kahobane feela re jere lebitso la "Pentekosta," hoo ha ho bolele letho ho Molimo. Che, monghali.

²⁶¹ Pentekosta ha se mokhatlo. Pentekosta ke boiphihlelo. Ke khalimiso ea Kreste, moo A qalileng ka Letsatsi la Pentekosta, ho Ikhalmisa ka batho.

²⁶² 'Me eaba batho ba qala ba ekeletsa lefatše. Ha etsahala'ng? Ba ile ba kena Lekhotleng la Nicaea, 'me—'me ba latola litšepiso tse totobetseng tsa Molimo, 'me ba hloma litšomo ka har'a eona. 'Me eaba o roba boiphihlelo ba Mokreste likotoana, 'me a khelohela ho Bokatolike.

²⁶³ Luther o ile a qala hlabollo. 'Me a hlahisa, 'me ea boela ea pshatla ntho eo.

²⁶⁴ Mamethodise a fihla ka khalaletso. 'Me a qalella ho hlahisa, 'me a etsa ntho eona eo.

²⁶⁵ 'Me Mapentekosta a etsa hona hoo. Oh! Be, le a e sheba, le ka e bona.

²⁶⁶ "U khona joang . . . ?" Ho re, "U tseba lintho tseo joang?" Be, e re ke u bolelle taba.

"Moena Branham, na u ntse u porofeta?"

²⁶⁷ Hantle-ntle ha ke porofete. Empa ha ngaka e hlahloba mokuli, e bona matšao, o tseba se tla etsahala. Ke bala ho tsoa Bukeng ea Ngaka. 'Me ke bona matšao a sebetsang kerekeng ea Pentekosta, 'me ke tseba moo e habileng teng.

²⁶⁸ E khaotse. Khaotsa. Khutla. Molimo a u thuse. Le se ke la nka tsela eo, lona batho. Na ha le bone seo ke lekang ho se etsa? Ke chessa bophelo ba ka, ho leka ho le pholosa nthong ena ea bohlanya eo le mathang ho kena ho eona. Letsatsi ka morao ho letsatsi, selemo ka morao ho selemo, ke a hooletsa. 'Me le nkhopola ke le sera sa lona. Ke moena oa lona. Khutlang. Le se ke la nka tsela eo. Na ha le bone se hlahleng mohla ba bang ba neng ba nka ka tsela eo?

²⁶⁹ Borakhoebo, le suthe tseleng eo. Joale le ngola mefuta eohle ea litumeloana ka har'a limakasine tsa lona, 'me hoo ho le amahanya le liphutheho tse ngata joaloka tse ling. U a tseba ho joalo feela. Ha u bone u kena hantle nthong eo esale u eme khahlano le eona? Joale, u ke ke ua nthata, mohlomong. Hohle moo . . . Ke 'nete. U tšoaee lentsoe la ka: Retoloha, kapa ho felile ka uena.

²⁷⁰ Pentekosta, khutla, kapa ho felile ka uena. Khutlela Lentsoeng. Nako e tsamaile ho feta kamoo u nahanang.

²⁷¹ Molimo o batla ho halimisa, e seng litho, empa majoe a makhonthe a bentšitsoeng a bopeletsoeng a betliloeng. Sheba. Sefuthi sa gauta se eme bosiung bona, se itokiselitse ho ntša lipelaelo tsohle tsa manya, tsohle tse khahlano le uena. 'Me ka . . . O teng mona, o itokiselitse ho u bopella le ho le betla ho ba balumeli, ho ntša pelaelo eohle ho uena.

²⁷² U ea pele, u bone baetsisi ba bangata ba fihla, ba re, "Sena, 'me, khanya ho Molimo, ke tšoere sena. 'Me, allelua, ke tšoere sena." 'Me u fumana, ba se na letho. 'Me liabolosi o entse hoo, ho hlahisa pelaelo pelōng ea hau. Ua bona? O entse hoo, ka morero, ho etsa hoo. Empa hopolang, hoo ho bolela ntho e le 'ngoe feela, hore, ntho ea makhonthe e teng eo molekisi a lekang ho e etsisa.

²⁷³ Moea o Halalelang oa makhonthe o teng. Moea oa Molimo oa makhonthe o teng. Matla a Molimo a makhonthe a teng. Mora oa Molimo o teng ea Ikhali misang bosiung bona e le Moea o Halalelang, ho bontša Bophelo ba Hae. O eme mona bosiung bona mahareng a lona, ka sebopaho sa Moea o Halalelang; ho ntša likhoerekhoere tsohle ho uena, lipelaelo; le ho halimisa ho

uenia, tsoho ea Hae, hore ha A shoa. 'Me O teng mona ho le bontša hore O a phela, eena maobane, kajeno, le kamehla. O teng mona ho Itsebahatsa le rona. Na ha rea tlameha ho iketsa setlama le Eèna, ho lumela Lentsoe la Hae le ho Le nka?

²⁷⁴ Ha re rapeleng.

[Moena e mong o a porofeta—Mohl.] Thoriso. Amen. Amen. Oh! Amen.

²⁷⁵ Oho Morena Molimo, re U leboha hakakang, Morena! Re bolellooa Lengolong, mohla Davida, mohla sera se neng se kena, 'me ba phuthehile 'moho, 'me Davida a leka ho ba bolella ka Molimo, e mong a ema har'a bona, a porofeta a ba bolella seo ba lokelang ho se etsa, le mokhoa oa ho hlola sera. Ruri, Morena, re lumela hona hoo, Moea oa Molimo o theohela mahareng a rōna, 'me Lentsoe ke nqalo ea ho hlola sera.

²⁷⁶ Ke sona seo U se fang Adama le Eva, tšimong ea Edene, ho hlola sera. 'Me mohla Eva a neng a Le beela mabaka, 'me a hlahisa mabaka ka Lentsoe, e ile ea ngamoha, 'me sebe sa kena.

²⁷⁷ Ruri, Morena, eo ebile tlolo ea banna, mengoaheng, ho leka ho sotetsa ho hong 'moho le Lentsoe. Sara o lekile hona hoo, ho sutela ntho e 'ngoe, ho kenya Agare, ho hlahisa ngoana, empa ea heleha. Kamehla, ho bile joalo, Ntate. Re—re batla Lentsoe la Hau feela, 'me lona feela; ha ho letho le ka ekeletsoang ho Lona, kapa ho fokotsoa ho Lona, kamoo Le leng kateng feela. 'Me U Lentsoe lena. 'Me re lebohela hoo haholo.

²⁷⁸ Hlohonolofatsa batho mona, Morena. Hona joale, masiung ana ka morao ho masiu, ke lekile ho bua lintho tsena, hore ho Khutla ha Hau—ha Hau—ha Hau ho atametse. Ntho e 'ngoe le e 'ngoe e ipopa e habile nqa eo.

²⁷⁹ 'Me ho tloha ho e—e pono, liveke tse 'maloa tse fetileng, o nthometse mona Arizona. Ha ke tsebe lebaka. Mohlomong ekaba ho tla ha ka Lapeng. Ha ke tsebe. E—e shebahala joalo haholo.

²⁸⁰ Empa, Morena, a nke ke qetelle morero oa ka . . . le ho boloka Tumelo, ke ntse ke bolokile liaparo tsa ka li se na letheba, Morena, ka mohau oa Kreste. A nke ke khone ho ema tsatsing leo, le ho re, "Ke tumisitse Tšoanelo eohle ea Molimo, kamoo ke E tsebileng e le 'Nete, 'me ha kea ka ka tsoafa ho bua letho." Aba sena.

²⁸¹ Baena besō, Morena, ka ho tšoana, ba phuthehe 'moho ba atamele haufi, le ho tseba hobane likhohthatso tsena ha se—ha se nyatso, empa ke temoso, le ho hlokomela maeano a litsela. Fana ka sena, Ntate. Joalo ka ha re boleletsoe, hore, O tla re ahlola ka Lentsoe leo la Molaetsa. Molimo, nke ke itekole, 'me, ke a e soabela, Morena, seiponeng sa Lentsoe la Molimo.

²⁸² Ke ntse ke loanela, "Le ka botšepehi, ho loanela Tumelo e kileng ea fuoa bahalaleli ka nako e le 'ngoe," joaloka ha Juda a boletse re loketse ho etsa. 'Me re tšepisitsoe, ho re, "Matsatsing a

qetelo, Tumelo ena ea bontate e tla khutlisetsoa hape, Tumelong ea mantlha ea pentekosta.” U e tsepisitse, ho Malakia 4. U itse e tla etsahala. ’Me, Ntate, re ke re shebe, le mahlo a rōna—a rōna a bulehe, ’me re se ke ra e fosa, joalokaha esale ba entse mengoaheng. Empa mahlo a rona a tutubolohe, ho bona Jesu Kreste A sa ntse a bonahatsoa ka khanya ea Hae har’ a batho ba Hae ba ithobileng, ho ntša batho, ho Balichaba bana, bakeng sa Lebitso la Hae. Aba sena, Morena.

²⁸³ Hlohonolofatsa phutheho ena joale. Ke buile halelele. Morena, nke ke ka kopa tšoarelo (hobane, ke ikutloile ho bua seo ke se buileng), ka ho ba tšoarella halelele. Empa ke U leboha ka banna le basali, kajeno, ba—ba khonang ho ema, le ho sothahana, le—le ho leka ho tsetela maoto a bona—a bona fulurung, le ho mamela Molaetsa. Ke U leboha ka likereke tse kang tsena, tse eeng li bule monyako le ho re, “Kena kahare. Re rute. Kapa, u rere le rōna. Re thuse.” Molimo, ke U leboha ka tsena.

²⁸⁴ ’Me ke U leboha ka qanthane, hape, ka lebaka la lefatše la khoebo, Borakhoebo. Morena, liaparo tsa bona li ke li baballoe li sa qaphaletsoa ke lintho tsa lefatše. Aba sena. Se fetole nqalo e pholosang moea, Morena, hore—hore mohlomong, kae—kae batho ba sa tsamaeeng kereke, ba tla ea utloa batho ba khoebo ba bua. ’Me maphelo a bona—a bona e be letsoai hakaalo ka mohau oa Molimo, le boikokobetso ba Moea oa Hae, hoo—hoo lefatše le tla lakatsa ho tšoana le banna ba mofuta oo. Aba sena, Morena. Re hlohonolofatse joale, ’moho.

²⁸⁵ Morena, re tšoarele mefokolo ea rōna. Tšoarela libe tsa rōna, le ho lumella likanale tsa lipelō tsa rōna ho buleha. Morena oa Khanya a calle har’ a rōna joale, haeba re fumane mohau mahlong a Hau, ka ho bakela phoso ea rōna. Ntle le pelaelo, pelō ea ka e bakile, lipelō tse ngata li bakile. ’Me haeba re fumane mohau, Morena, re bopelle joale.

²⁸⁶ Hloekisa litempele tsa rona, hore Lentsoe la Molimo o phelang le tle le phele har’ a rona le ho paka hore Jesu Kreste ha a shoa. Ha se mohei ea shoeleng joaloka Mohammed, kapa—kapa Buddha, kapa mekha e meng. O a phela, lekhathe-le-joale, Jesu ea tsohileng. “O phela ka mehla le mehla, ’me ha a sa tla shoa le ka mohla,” ’me re fuoe Bophelo Bosafeleng, le ho Iponahatsa har’ a rōna. ’Me rōna, Morena, re halimisa mohau oa Hae ho ba bang.

²⁸⁷ Re thuse, Ntate, joaloka ha U tsepisitse se tla hlaha matsatsing a qetelo, joaloka matsatsing a Lota. Rona, joaloka ba tsoang Emmause, re ee hae bosius bona, re nyakaletse, hobane re U bona u etsa seo ba U boneng u se etsa hoba U tsohe bafung; ho tseba e ne e le ntho e tšoanang le eo U e entseng pele U eshoa, eaba ba tseba hobane U tsohile. Fana ka sena, Ntate. Re kopa ka Lebitso la Jesu. Amen.

²⁸⁸ Joale, joale, ke—ke buile halelele. Empa, sena, ha ke tsebe hore O tla etsa sena. Ha ke tsebe na O tla etsa. Ke tla Mo kopa feela. Kea lumela, ha nka beha bophelo ba ka mona ho . . . holim'a thakhisa eo, ho ema le Lentsoe lena, ke hona, ka bokhoni ba tsebo ea ka.

²⁸⁹ Ha ke ea se nang sebe. Li ngata tse leketlang ho 'na. Empa, hora le hora ke ipolela sona, ke sa khaotse. Ha ke bona phoso ea ka, ke moo ke furallang ntho eo, le ho leka ho etsa ho lokileng. Nke ke ka leka ho ea Leholimong ka makhabane a ka. Nke ke ka fihla mono. Ke itsepisa ka ho shoeella ka Jesu Kreste. Ke Tšepo ea ka. Ke—ke—ke lumela ho Eena. Nke ke ka leka ho kena hoba ke le moena oa Mopentekosta. Nke—nke ke ka kena ka makhabane a Pentekosta. Ke kena ka menyetla ea Mali a Jesu Kreste. O nchoetse.

²⁹⁰ 'Me ke seo ke batlang hore le se tšepe, makhabane a Hae. 'Me ka hona ebe u tseba joang hore u tla fihla moo? Keha Lentsoe le leng le le leng le le joalo, u Le omela ka, "Amen. Amen." Hobane, Ke Lentsoe ka boLona le lekang ho Inetefatsa. 'Me haeba re latola Lentsoe leo, Le ka Inetefatsa joang?

²⁹¹ Joale, Jesu o itse, "Ea lumelang ho 'Na, mesebetsi eo Ke e etsang o tla e etsa le eena." Na ho joalo? 'Me eaba O reng ho Johanne 5:19? "Kannete, nete, Ke re ho lona, Mora o sitoa ho etsa letho a ka bo-Eena, haese seo A bonang Ntate a se etsa."

²⁹² A pholletsa letšeng la Bethesda. Mono keha ho robetse matšoile a batho, ekaba makhetlo a mashome a mabeli kapa a mashome a mararō ho se ka moahong ona bosius bona. Ho na le batho ba makholo a mane kapa a mahlano, mohlomong, ba lutseng mona bosius bona. Ha ke tsebe, empa e ka ba bongata bo bo kaalo. Empa mohlomong ho na le likete. Ha ke utloisia "matšoile" e ka ba likete. Joale, mono ho robetse, liritsa, liqhoala, lifofu, ba omeletseng litho, O folisitse monna a le mong, hoba O tsebile monna eo a bile joalo. Ntate o ne a 'Montšitse. Ua bona? Ho tlohela ba bang bohle. Ua bona? 'Me eaba O botsoa hoo.

²⁹³ Empa Bibele e boletse, ka mor'a lefu la Hae, kepelo, le tsoho, ho re, bosius bona, "Ke Moprista e Moholo." Na le lumela seo? [Phutheho e re, "Amen."—Mohl.] Lea lumela O sa ntse a phela? ["Amen."] 'Me na ke Moprista e Moholo ea ka angoang ke maikutlo a mahlomola a rōna? ["Amen."] Be, haeba E le eēna Moprista e Moholo eo, ho latela Baheberu 13:8, O tla itšoara ka ho tšoana. Na ho joalo?

²⁹⁴ Joale re ke re hloekise lipelō tsa rōna sebeng sohle. Re ke re ipolele phoso ea rona. Re ke re ipolele ho se lumele ha rona, hore esale re fositse, le ho re, "Morena Jesu, ke 'na enoa. Ke a hloka, bosius bona. Ikhalimise bophelong ba ka. Mphe tumelo ea mosali eo, e amileng seaparo sa Hau."

²⁹⁵ 'Me ke tla re, "Morena Jesu, esale ke eme Lentsoeng la Hau." E ne e le thomo ea ka eo, "Bolela Lentsoe." Esale ke eme le Lona. Ke—ke batla ho shoa ka Lona. 'Me ke—nkile ka ema 'me ka etsa lintho tse ling tse thata, ka baka la Lentsoe, le ho lula mono, empa kamehla O Le netefalitse.

²⁹⁶ Joale ke itšepisitse Eena ho netefatsa Lentsoe leo. E ke e lahlele . . . A ke a phalle ka rona bosiuung bona, re sa rapela.

²⁹⁷ Ba kulang ka mona ba bakae, ba hlokang, ba nang le tlhoko ea letho? Phahamisang matsoho a lona ho re, "Ke 'na, Morena. Kea lumela, Morena."

²⁹⁸ Ke batla maikutlo a lona a sa arohanang, ka mosa oo le ka u khonang, nakoana feela.

²⁹⁹ Haeba, ka mor'a Molaetsa 'ona, 'me Kreste a tla Ikhalmisa ka har'a batho, le ho bona moea o itseng o futsanehileng o e-na le tumelo e lekaneng ho ama seaparo sa Hae, 'me nka inehela Moea oa Hae, le ho tseba hobane ona ke Moea o Halalelang! Ka hona, haeba u le setho sa ntho e hosele le sehlopha se lumelang Sena, ke tla tla moo ba lumelang 'Nete. Ua bona? Nka etsa joalo. Ruri ke ne ke tla etsa joalo. Ke ne ke tla lumela, hobane Molimo o a Itsebisa. Joale u se ke ua iketsa settlama le Bafarisi le bao ba sa lumeleng, lifofu tseo, hoba Jesu o itse ha ba sa tla 'Mona. "Empa lona le tla Mpona, hoba Ke tla ba le lona. Ke tla ba ka ho lona. Le tla Mpona." Be, haeba E le eëna Moprista e Moholo eo, u ne u ka 'Mona joalo, ka ho Ikhalmisa kamoo A entseng mohlang oo. Na ke 'nene? Ho lokile.

³⁰⁰ Joale, u lumele ka pelō eohle ea hau. E ba le tumelo. Se belaele, ho rapela, 'me re tla—re tla bona seo A se buileng. Joale, lumela feela ka pelō eohle ea hau.

³⁰¹ Joale, Ntate Molimo, ke buile ka Uena le ka Lentsoe la Hau. Ke e entse ka mokhoa o pshatlehileng, Morena, kea tseba, empa e ne e le ka bokhabane boo ke bo tsebileng. Liveke tsena tsohle tse peli, esale ke Le tiiselitse, Morena. Bophelo bohle ba ka, ke lekile ho Le tiisetsa. Joale, Morena, hlompha Lentsoe la Hau bosiuung bona mona, tsoseletso e sa koala. Ho ke ho tsebjoe, Morena, hore ha re emela se lokileng, ho lokileng ho tla re emela. Aba sena, Morena. Hore rea lumela, hore U fetoha rōna, ho nka sebe sa rōna; re tle re fetoha Uena, bara ba Molimo, ho halimisa Lentsoe la Molimo, le netefalitsoeng, ho le bonahatsa ka bophelo ba rona boo U re fileng bona. Fana ka sena, Morena. Re itlhahisa ho Uena joale ka Lebitso la Jesu Kreste. Amen.

³⁰² Joale ebang le tumelo feela. U se belaele, empa—empa lumela ka pelō eohle ea hau joale. Lea lumela na? [Phuthieho e re, "Amen."—Mohl.] Mang le mang o a lumela. Joale, se belaele. Rapela feela, uena. E ba le tumelo joale. U se belaele, ho hang. Ikhutsetse joale. Mamelang seo Moea o le bolellang sona. Ebang le tumelo ho Molimo. Ebang le tumelo ho Molimo.

³⁰³ U nchebile ke'ng ka botšepehi hakaale? U a lumela ke mohlanka oa Hae? Ha ke u tsebe. Ha ke eso u bone, empa ke mosali feela ea lutseng mono feela a nchebile. Hantle ha se boloetse boo a tšoenyehileng ka bona. O tšoenyehile ka motho e mong. Ke ngoanana e mocha. O sa tsoa nyamela. O sa tsoa ngala lapeng. Ke ngoanana feela, ngoanana ea lilemong tsa bocha. Taba ena e etsahetse khale. Hakana, ha ke bone kotsi ea letho ka eena. E ba le tumelo. Lumela Molimo, O tla mo romela hae ho uena.

³⁰⁴ O amme eng? Joale, le bona mosali. Ha ke eso 'mone bophelong ba ka. Eèna, ka botlalo, ke molata.

³⁰⁵ Mofumahali ke enoa o lutse morao *mona*, mahlo a koetsoe, o ntse a rapela. O jeoa ke—ke bothata ba rectal, 'me ke li-hemorrhods. O jeoa ke bothata ba pelō. O thil'o e fosa. Molimo, re thus. Mofn Winham, lumela ho Morena Jesu Kreste. Joale u a e amohela.

³⁰⁶ Joale botsa mosali. Ha re tsebane ka botlalo. U re, "U mo bitsitse ka lebitso."

³⁰⁷ Khele, na Jesu ha a bolella Simone, "Lebitso la hau u Simone. U mor'a Jonase"? E bang le tumelo ho Molimo feela. Le a e lumela na?

³⁰⁸ Joale tšepahala. Lumela. U se belaele. Tsepamisa kelello ea hau ho Molimo, 'me—'me u lumele ho Eèna.

³⁰⁹ O etsa'ng? O a Itsebahatsa. O ntse a Ikhalmisa. Joale, haeba u sa nahane e lokile, ke u kopa ho tla sefaleng le ho etsa ntho e tšoanang.

³¹⁰ Ho na le—le mosali e monyenyan. O lutse morao mona ka tjale hloohong. Ke Mosepanishe. 'Me o ntse a rapella morali. Morali eo ha a lule mona. Joale o behile matsoho a hae sefahlehong sa hae. 'Me o a...Morali enoa o lula moo metsi a leng mangata, moo leoatle le rorang, koana San Diego, California. 'Me o na le methapo ea varicose le mathata, 'me o batla a hlasetsoe ke methapo. Na u lumela thapelo ea hau e amme qola ea seaparo sa Hae, khaitselinyana ea ka ea Mosepanishi, 'me morali oa hau o tla fola? Ha u etsa, phahamisa letsoho la hau u e amohele. Ho lokile, u ka e fumana. Pel'a hau ho a éla joale. Se belaele. Lumela.

³¹¹ E ne e u hlolla, ha ke re, mofumahali, ea lutseng mono? U sa tsoa phamisetsa letsoho la hau nkong ea hau, le ho phumula sefahleho sa hau; ho bua ntho e 'ngoe lipakeng tsa litulo; ea apereng baki e bolou, a lutse mono. Ee. Ho lokile. Ha u ka lumela ka pelō eohle ea hau, joale pelo eo e tla otloloha 'me ha u sa tla ba le bothata ba pelo esale boo u hlopha. Haeba e le 'nete, ema ka maoto a hau, ho paka feela hore hoo ke 'nete. Ke osele ho leleiti. Amen. U a lumela na? Ruri. Uh-huh. Lumela kamehla.

³¹² Kea bona, 'me monna o batla a le lilemong tse bohareng. Na le bona Leseli leo, le lesehla, le leketlile hantle mono, le ikhulela hantle holim'a thaka leo? Joale o ntse a rapela. O inamisitse hlooho ea hae. 'Me ntho e sa tsoa boleloa, e hutseng maikutlo a hae ho rapela. Hoba, o tsoa California, le eèna, joalokaha ho boletsoe. Empa o tsoa Fresno, California. O jeoal ke asma. Mongh. Klor, ha u lumela ka pelō eohle ea hau, u ka ea hae ua phelisoa, le uena. Amen. E lumele joale. Haeba e le 'nete, phahamisa letsoho la hau. Na ha re tsebane? Phahamisa letsoho la hau. Ho lokile.

³¹³ Lea lumela? Monna eo o amme eng? O amme Jesu Kreste. O bohole ba maoto a mashome a mararō.

³¹⁴ Ke le qholotsa, ka Lebitso la Jesu Kreste, ho lumela hobane Molaetsa ona oa Moea o Halalelang matsatsing ana a qetelo ke ho phethela nalane ea lefatše. Ke le phepetsa ho lumela hore ke—ke le rutile Eona bosiung bona. Lea lumela Molimo o nthomile. Le hlomphē eona. 'Me joale, u se ke ua hlompha 'na, empa hlompha seo A nthomileng ka sona, Lentsoe la Hae, 'me Molimo o tla e aba, kōpo ea hau. Nke ke ka Mo etsisa eona, empa ha u ka lumela.

³¹⁵ Mona, shebang mona. Na ha le bone Hoo? Shebang mona, Leseli leo hantle *mona*. Le holim'a mosali enoa ea lutseng mona ea batlang a le litho. Ha ke tsebe mosali eo. Ha ke eso 'mone bophelong ba ka, empa o a kula. O a sotleha. O ile ngakeng, 'me, ntho e 'ngoe, hlahlabo ea e supa e le colon. Ke ho kang liso tsa mofuta. Che, ngaka e re ke lialsa ka har'a colon. Ke hantle. Ke hantle. Ha u tsœ mona. Mona u etile. Na ho joalo? Phahamisa letsoho la hau. U tsoa Michigan. Ke hantle. U mona ho etela mora, 'me o khoebong ea mofuta ea radio. Lebitso la hau ke Mof. Erb. E ba le tumelo ho Molimo. E-ea hae 'me u e fumane kamoo u e batlang kateng, haeba u lumela ka pelo eohle ea hau.

³¹⁶ U a lumela? Na u itokiselitse ho ntša manya a ho se lumele ho uena? Na u lumela hore u ka bona Kreste a Ikhelimisa, eèna maobane, kajeno, le kamehla? Ke Molimo. Na le lumela seo? E reng, "Amen" haeba le e lumela. [Phutheho e re, "Amen."—Mohl.]

³¹⁷ Joale ka hona beanang matsoho holimo. Ke tla le bontsa Lentsoe la Hae, haeba le le balumeli. O itse, "Mehlolo e tla tsamaea le ba lumelang ke eona ena. Ha ba bea bakuli matsoho ba tla fola." Beanang matsoho holimo joale.

³¹⁸ Koala mahlo a hau. Inamisa hlooho ea hau. Rapellanang. Le rapele. Ha se 'na. Le rapele. Kreste, kantle har'a lōna kantle mono!

³¹⁹ Ntate oa Leholimo, ka Lebitso la Morena Jesu, Kreste a ke a halimisoe bophelong bo bong le bo bong mona bosiung bona. Le ho folisa bakuli, Morena. Re leleka letemona ka leng la ho se lumele, hore Kereke ea pentekosta e tle e bone khalimiso ea Jesu Kreste bophelong ba bona, joalokaha ba e bone bosiung bona.



63-0123 Boitsebiso
First Assembly Of God
Phoenix, Arizona U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lissele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org